

# 固安縣志

## 卷一 地理志

### 第一 疆域

#### 沿革

固安地近京畿漢晉以來改置不一逮乎金元桑乾流域衝突遷徙鮮有定勢歷代疆域蓋難言矣隋析涿屬方城廢縣置固安而方城省河渠道里建置古蹟愈不可考論古者往往以古故安實今固安即如金臺督亭後世據水經注皆以為在固安不知古故安原今易州境北魏易故為固取其名而實未析其地易為燕武陽下都地金臺故址在焉詳水經易水注督亢為古方城地唐書以故督亢地置新城有明文蓋古方城東西兼益昌新昌境轄地廣袤代經移析疆域非復舊觀故屬古方城者不得以屬今之固安計也茲將疆域沿革詳列圖表附以說明庶一覽而瞭然漢書二統甲子亦表體而入律歷志是其凡矣近世省縣方志概取斯例易資考證姑從之圖表如左

## 固安縣志

### 卷一 地理志

疆域

一

#### 歷代沿革圖

#### 全境說明

固安為古方城地攷方城之置史冊可徵者斷自戰國彼時疆域情形無可端倪炎漢以降就其郡國州縣之省置散見記載者加以鈎稽攷訂在前漢西接陽鄉縣南接臨鄉侯國臨鄉之西有新昌侯國臨鄉之東有益昌侯國至後漢相繼皆省入方城則舊跡追尋頗可概見故當時方城轄境亦云大矣歷代或省或置大致不減後漢範圍安次文安自漢毗連為鄰西境大清河又為與涿縣天然界限茲詳參古籍及歷代疆域圖說爰得四境變遷之梗概如次

#### 圖

- 一、以現在轄境為標準以窺歷代之變遷
- 二、其朝代改異而轄境不改者不列圖
- 三、省入他縣時代其域界已泯者不列圖
- 四、鄰縣省入附繪其原來形勢

#### 例

- 五、紅線為現勢 外圍線為斷代形勢 虛線為省入或析出形勢
- 六、紅點為今縣治 藍圈為古方城縣舊址

沿革圖一  
前漢後漢時代

- 一 紅線為現勢
  - 二 虛線為前漢時勢
  - 三 外圍線全局為後漢時勢
- 此時各侯國及陽鄉縣全者入方城



固安縣志


卷一 地理志

疆域

二

沿革圖二  
三國魏晉北魏時代

- 一 外圍線為三國時代界勢
  - 二 藍線為魏至北魏時代界圖
  - 三 虛線為折出長鄉縣界勢
- 魏於前漢陽鄉故境置長鄉北魏改長鄉名長鄉



隋代

一藍線為隋自承  
 魏析出時始置固  
 安之界勢

二虛線為隋置固  
 安後桐柱析置  
 永霸新雄而成  
 現狀之界勢

自此與省方城  
 其鄉入永縣後  
 至隋始將方城  
 舊境析出置  
 固安其鄉舊  
 境亦連帶省



# 固安縣志

## 卷一 地理志

疆域

三

### 附四界說明

#### 東界

永清為隋之通澤縣（大業七年析固安安次兩縣地置尋省至唐如意元年復析固安安次地置武隆縣天寶元年改名永清）至五代晉天福元年入契丹後周顯德六年克復永清南部益津關於此置霸州另置永清縣自是遂有兩永清蓋北屬遼南屬宋也撫今思昔既析固安以置永清則今固安之東境外在古當然尚廣而霸縣實為原永清（唐代）之南端則唐時永清奄有固安之東部南部可知

#### 南界

霸縣在唐為永清之南部地而實為固安地（參東界說明）雄縣在唐為歸義縣（武德五年析固安地及鄭縣地置在今新城東南部）歸義較新昌（今新城）設置尚早故雖析自固安而實不接壤

#### 西界

新城爲唐之新昌縣(大歷四年析固安地置)至大和間又析范陽縣(涿縣)地置新城縣後省新昌併入新城故今新城之東部實固安地

涿縣在前漢爲涿郡東與陽鄉相接彼時之陽鄉位居方城之西實今固安西境之北部後漢時省陽鄉入方城魏復於陽鄉舊境置長鄉北魏改長鄉爲萇鄉北齊省方城萇鄉併入涿縣(從此方城疆域曾一度泯化)至隋開皇九年於方城廢縣置固安自涿析出萇鄉縣境亦於此時省入固安境界至今未改

北界

大興在前漢爲薊縣地

宛平在前漢爲陰鄉縣地至後漢省陰鄉入薊縣

良鄉在前漢爲廣陽縣地至齊省廣陽入薊縣

前漢廣陽國轄薊縣陰鄉廣陽方城四縣後漢廣陽國改爲郡劃方城入涿郡

按北界自後漢迄今只三縣境界互更其間郡州國上級管領雖多變遷要與固安

## 固安縣志

### 卷一地理志

疆域

四

縣境無涉故今固安之北界自古似無移易

安次自前漢至唐未改與方城爲久鄰自唐於方城舊境置固安又析安次固安兩縣地置永清而毗連始隔現在縣境東北隅尚有幾微之接壤其遺跡也

### 歷代沿革表

時代	州	部	郡	國	縣	地	備	考
唐	冀州	帝警定九州唐氏因之書曰幽都						
虞	幽州	書註舜攝位肇十有二州分冀州爲幽州						
夏	冀州	竹書舜三十三年夏后受命於神宗遂復九州						

商	周	春秋	戰國	固安縣志	秦	漢	後漢	
幽州 爾雅釋地燕曰幽州 郭注曰此蓋殷制	幽州 周禮職方氏東北曰幽州				卷一地理志		幽州燕國	幽州
	燕 武王封召伯於燕史記正義召公始封蓋在北平無終縣以燕山為名後漸強乃併薊居之	燕 燕繆侯七年當魯隱元年按世本莊王三年燕桓侯徙都於易則縣實燕境	燕上谷郡 宣府志周赧王時燕置上谷郡秦蓋因之應劭漢官儀曰秦三十六郡或以列國或以舊名	疆域		上谷郡	廣陽王國 按幽州燕國方城以封盧縮旋滅元狩六年以封燕刺王旦昭帝元鳳元年改為廣陽郡宣帝本始元年更為國 水經注始皇二十三年置廣陽郡則不自漢始	涿郡
韓侯國 水經注引王肅言方城有韓侯城詩曰溥彼韓城燕詩所完方輿紀要古方城即今韓寨營			方城地 燕王十二年趙李牧攻燕拔武遂方城括地志方城故城在今縣南十七里舊志即今縣西南方城村	五		方城地 光緒府志南路廳屬沿革表秦屬上谷	方城 鄉陽縣地 漢書地理志廣陽國邑方城其一孝平元始二年封廣陽穆王子為方城侯 又漢志初元五年封廣陽頃王子為臨鄉侯按後漢書注後省入方城 方城西北界陽鄉縣屬涿郡 臨鄉侯國之西有新昌侯國 臨鄉之東有益昌侯國後漢皆省入方城	方城縣地 清類天文分野之書後漢屬涿郡改成為城

三國魏	晉	後趙 前秦 後燕	元魏	北齊	固安縣志	北周	隋	唐
幽州	幽州	幽州	幽州	幽州東北道行臺	卷一地理志	幽州總管府	幽州總管府	幽州總管府 武德間置貞觀初置 河北道節度使開元 改州為范陽郡天寶 元年置范陽節度使
范陽郡	范陽國	范陽郡	范陽郡	范陽郡	疆域	范陽郡	涿郡 北周改置燕及范 二郡兼初總管於幽 北開郡兼初總管於幽 後州大業間省州入涿 郡	幽州
方城縣地 封劉放為侯國一析 漢鄉縣舊境置長	方城縣地	方城縣地	方城縣地 改長為長	方城縣地 天寶七年皆省入涿	六	涿縣東南境地	固安縣 續通典開皇九年析 涿縣廢漢方城舊境 地置固安取今名是 涿水故安之始漢 為固安得名之始漢 按今易縣在魏曾 一為故安縣在魏曾	固安縣 武德四年屬北義州 移治歸義縣章信堡 城德五年析固安縣 地置歸義縣(即今 雄縣)歸義(即今 按四年則移歸義 縣章信堡五年為 析置者所知云非 置有是廣之非 又按治期間僅一 王世充蓋因當時

	五代梁	五代唐	遼	五代周	固安縣志	宋	金	元	明
河北道 通鑑地理通釋梁初 劉仁恭北有燕	河北道 盧龍一道領幽州十 二州	南京幽都府 開泰元年改南京道 領涿易等州	世宗六年伐契丹 關南瀛莫二州劉重 進先發據固安	中都路 太宗雍熙三年曹彬 出雄州伐丹取固 安宣和二年檀攻 遼取易州景檀順 都六州改遼析津為中 路	卷一地理志 疆域 七	中都大興府 宋宣和七年入金 天德三年改名中都 大興府	大都路 太祖初十年為燕京路 至元初建中都九年 改曰中都二十年 置大都路	京師 洪武間為山東行省 後為北平省永樂 建北京	
涿州	涿州	涿州	涿州	涿州		涿州 宣和四年屬涿郡金 改屬涿州	大興府 憲宗九年改屬霸州 又改屬大興府	順天府 洪武初改元大興曰 北平府永樂改名順 天	
未平定避其騷擾定 後復元還省州以縣 貞觀元年大歷四年 屬幽州方輿紀要	固安縣 據光緒順天府志	固安縣 據光緒順天府志	固安縣	固安縣		固安縣	固安州 中統四年升州	固安縣 洪武二年仍為縣屬 順天	

清	京師順天府	南路同知廳	固安縣
民國	河北省 <small>舊直隸省民十七改 為今名兼轄京兆特 別區</small>	京兆特別區 <small>民國三年改順天府 為京兆特別區民國 十七年併入河北省</small>	固安縣
河北省	保定道 <small>民國二十七年七月 設</small>	固安縣	固安縣
河北省	津海道 <small>二十八年設</small>	固安縣	固安縣
河北省	燕京道 <small>二十九年設</small>	固安縣	固安縣

固安縣志

卷一地理志

疆域

八

固安為畿南一都會位置既屬重要疆域沿革尤不可忽視查前後漢三國時之故安即今易縣界北魏復改故為固北齊省至隋開皇九年舊志作六於方城故址置固安縣我縣之得名自此始後人不加詳考輒以漢時之故安為今之固安因疆界未清以致人物郡望互相標舉故於設置前後縣境形勢詳述於左

未置縣以前唐虞夏商均隸幽冀詳表周隸幽州為韓侯國春秋之世無間戰國屬燕為

方城史記燕世家李牧伐燕取方城

秦置上谷郡漢置縣屬廣陽國詳表

兼置臨鄉陽鄉二國新斟注地理志臨鄉

在今順天府固安縣縣南五十里寰宇記亦云陽鄉在今固安縣西北二十五里後漢書注故城在固安縣西北光緒府志地理村鎮志考臨鄉即今臨城陽鄉即今州縣莊

後漢屬涿郡臨鄉陽鄉省魏景初元年進封劉放方城侯放本傳又析置長鄉晉屬范陽

國寰宇記

後魏屬范陽郡改長鄉為長鄉齊天保七年與長鄉省入涿州

自隋開皇九年設置以後大業初屬涿唐武德四年移治章信堡屬北義州貞觀元年省北義州還屬幽州又移今治寰宇記如意元年析縣東境置武隆縣(即今永清)大歷

四年改屬涿州後析縣境置新昌

今河北新城縣治

遼屬涿州隸析津府宋屬涿州金屬涿州

元憲宗九年改屬霸州又改屬大興府中統四年升固安州明洪武元年改州爲縣屬北平府永樂元年屬順天府清因之民國二年屬京兆特別區十七年改屬河北省二十七年屬河北省保定道二十八年屬津海道二十九年直屬河北省旋屬燕京道

經緯

固安位於西經零度八分北緯三十九度二十八分

按右經緯度數見李炳衛省縣地名三彙其例言云各地經度在中央未新佈以前暫以舊經度爲據該書民國二十四年出版所云舊經度當係指北京而言

順天府志固安縣城北極出地三十九度二十四分三秒距順天府城南緯零度三十分三秒偏西經零度三分三秒距保定省城北緯零度二十九分三秒偏東經零度四十七分三秒

附舊志星野

春秋元命苞曰箕星散爲幽州分爲燕國

固安縣志

卷一地理志

疆域

九

史記曰尾箕幽州

紫微斗星其六爲開陽主燕而天垣之三亦曰燕

前漢地理志曰燕尾箕分野涿郡之易容城范陽新城故安涿縣良鄉渤海之安次皆燕分也

爾雅曰析木謂之津釋者云天漢之津梁爲燕天漢爲燕之分星而幽之土星也

宋史云中台之下星主冀

通考云上谷入尾一度右北平入尾七度涿郡入尾十六度高陽志謂于燕當尾箕于趙當昂畢尾箕析木津也唐志以上谷爲析木之分蓋尾箕爲東方之宿而天漢起東方實經於其間尾九星十九度去極一百二十七度箕四星十一度距西北星去極一百二十一度半天獄主晨星爲燕爲趙其天柱有垣星舍中央爲大旱燕趙之地當之高陽志又云女下十六星爲十二國而齊北二星曰趙楚南二星曰燕至十五星之中之辰星見實主燕趙固安居燕京之南若處其間也

位置

固安位於河北省中部偏北據京津保三埠之中心各省冠蓋及魯豫河北深冀等州商賈

往來北京多取道於此故有小大道之稱

縣治南有柳泉鎮北有榆堡鎮（屬宛平）在科舉時代士子往來有柳泉柳花飛柳絮榆堡榆樹落

榆錢之句語本天成傳為佳話

今則京漢京津兩鐵路分列東西省縣公路縱橫銜接比前益形便利

縣治

在全境北部

北京

在縣治北一百二十里

天津

在縣治東南一百八十里

保定

在縣治西南二百四十里

東至永清縣界二十五里縣治四十五里

南至霸縣界五十里縣治八十里

西南至新城縣界二十五里縣治七十里

西至涿縣界二十五里縣治六十里

固安縣志

卷一地理志

疆域

北至宛平縣界十五里縣治一百里

該縣縣治在長辛店

東北至安次縣界二十五里縣治一百里

舊志云東至本府永清縣界二十五里至永清縣治四十里東南至本府霸州界五十

二里至霸州治八十里南至保定府新城縣界六十二里至雄縣治一百二十里西南

至新城縣界三十里新城縣治七十里西至本府涿州界三十里至涿州治六十里西

北至本府宛平縣界十六里至良鄉縣治七十里北至宛平縣治一百二十里東北至

本府大興縣界十五里至通州治一百四十里

按本府係指前順天府而言保定府即今保定道

附舊志形勝志云幽燕形勝左環滄海右擁太行北枕居庸南襟河濟而固安鼎峙其

間實為孔道東偏神京南壁其勢則博大爽塏繩直砥平榆水足擬湯池桑乾可稱天

塹

面積

縣境北廣南狹長約九十五里

舊志云一百一十里

寬約五十五里計合二千一百一十方華里約有

農田四千八百九十四頃六十六畝

氣候

縣地處平原溫帶之中氣候寒暖普通差異無多而雨雪風霜則隨年代境域間有不同父老傳聞掌故可攷固不得一概論也茲就近十年來之概況作表如左

附四季氣候表

季	目		備
	量	度	
春	平均七十度	霜期	在驚蟄春分之間氣候濕則有之乾則無
夏	最高一百零二度	雨量	極少
秋	平均七十度	風向	多北風
冬	最低三十度	備	春霜俗名地霜因溫度初昇高低無度間有時驟低致春苗凍萎 夏季之雨每易連綿故濕度深 夏季氣候酷熱急風暴雨間或有之

固安縣志

卷一地理志

疆域

一一

土質

縣境自古為永定河流域境內土壤迭受河水衝決故沿河兩岸平沙無垠絕少膏壤滿清康熙時代田賦征收改為大畝祇是故也咸豐二年永定河南三潰決水勢浩蕩空前距口門較遠地方濁流所過粘土饒淤自此縣南一帶土質為之一變光緒三十年小孫郭決口沿河及城東附近被淤宣統三年南三決口沿河及城關附近被淤良因粘土白沙比重不同故經流較遠之處與距河近者有別當時民間有動泥懶沙之諺其意蓋謂泥輕能致遠沙重易沉澱也故每經決口雖同感洪濤之禍而膏瘠懸殊矣茲按土質優劣分區列表詳其現狀如左

附各區土質性別表

土質	位置	區別
白	全境	第一區
沙		第一區
兩性土		第一區
粘		第二區
土		第二區
鹹		第二區
土		第二區
備		第二區
攷		第二區

第三區		全境				
第四區		北南東部	中西部			
第五區	北部	北南東部				
第六區		全境				
第七區		北西東部		南部		
第八區	東北部 西南	北南東部			東北部沿永定河南岸 西部沿清河東岸	
第九區	西北部 西南	北東部			西部沿清河東岸	
第十區	全境				沿永定河南岸	
第十一區	全境				沿永定河北岸	

明說

一、以區爲綱以土質爲目尋其區界概況可見土質隨處不同若以村言殊嫌繁瑣舉其多數故爲某區某部概之  
 二、兩性土即沙粘兩性之混合土粘土即俗名膠泥土  
 三、全縣白沙佔百分之三十五兩性土佔百分之五十二粘土佔百分之十二鹹土佔百分之二

固安縣志

卷一地理志

疆域

一一一

河流

縣境河流凡五大者二曰永定曰清河永定河居北偏自西而東互四十餘里因濁水挾沙淤壅不暢故潰決頻仍遷徙莫定既無水利可言而農田膏磧繫之關係於民生者寔重大清河居西北偏自北而南互二十里水行地下平靜澄清若不受永定河渾波并注鮮有潰決之虞灌溉行舟商農便之小者三曰牝牛曰太平曰黃家河牝牛太平兩河並流縱貫境內由北而南黃家河居南偏由西而東三者則皆永定河未築堤前之故道後經疏濬用作減水引河者日久沙淤淺深不齊依雨量爲盈涸雖俗稱爲河而非正式之河流也然每值兩河漲溢淫霖作災兩岸瀝水尚可藉以宣洩不使爲潦於農作上不無小補茲將各河沿革原委水患及衙署堤工分別繪製圖表說明於後至舊志所載桃水福錄巨馬護淀諸河据順天府志溯其淵源則皆古方城地迭經析置已非本境皆不錄馬慶玉帶兩河則沙丘在望無復溪流東西兩湖蓮池諸名勝滄海桑田故跡早湮皆載名勝門中視爲古蹟可耳惟清河堤堰水患另有說明併附錄焉

全縣水道沿革圖



# 固安縣志

## 卷一 地理志

疆域

一三

### 全縣水道略攷

永定河一名桑乾河相傳每歲桑椹熟時河水乾涸故名又以其水濁故曰渾河以其水黑故曰蘆溝河復因遷徙靡常名無定河永定之名清康熙三十七年聖祖仁皇帝之所錫也源出山西太原濼頭山之天池伏流至朔州馬邑縣雷山之陽有金龍池者混泉溢出是為桑乾至縣南會西來之恢水縣東馬跑泉亦來會同注桑乾河東流滙雁門諸水東北滙山陰之鄆河應州之渾源河懷仁縣之磨道河清水河合大同北來之十里河御河轉而東北入舊直隸界經蔚州會壺流河東至保安州又名燕尾河東南會宣化之洋河共流益盛入懷來境合東北之媯州河又南流合和山入口入山抵宛平縣西北境經沿河口東南流穿石景山溯自馬邑至石景山計長九百四十餘里兩岸崇山疊障夾束河流而湍流陡洩直注東南勢極澎湃惟保安州一帶開渠溉田民資其利自蘆溝橋以下地平土疎波流湍急兩岸隄工雖有專官分汛管理無如河水凶猛人力難勝潰決之患歲有所聞東南經良鄉宛平縣界至縣西北北村入境東流至縣東太平莊梁各莊出界長

四十餘里沿河村莊迭經水患均被沙淤能種之地寔屬寥寥自民國二十七年南一決口全河混入清河境內舊有河形依然如故當局正擬放水歸原尚未寔現只存一段漠漠白沙而已

清河一名琉璃河發源於房山縣西界其上游爲古聖水西南流入房山縣界復東南流經良鄉屬琉璃河鎮至涿屬馮頭鎮東南小柳村與巨馬河合併爲大清河又東南流經東西茨村至鄭各莊村入縣境至黑家營出界長二十餘里水勢舒緩頗饒舟楫之利兩岸民堤統由沿河居民隨時修理近年以來因永定河渾入并流所有隄岸不堪冲撞每遇伏汎大水暴漲時虞潰決則已往賴舟楫以爲生者祇有望洋興嘆徒喚奈何已耳

牯牛河即舊牯牛河和金門閘減河引河故道（詳後牯牛河條）其上游在境內者自縣西馬村村南始具雛形至縣南南栢村與太平河滙合爲一東流過牛駝復分爲兩股東股入舊黃家河今淤塞南股東南流由林城舖出縣界入霸縣

太平河即前北村灰壩減水引河故道（詳後減水引河條）自清嘉慶間堵閉後上游被沙

## 固安縣志

### 卷一地理志

疆域

一四

淤塞無跡可尋自縣西大王村村南始有河形南流河身漸深容水亦多一遇伏雨滂沱兩岸田地瀝水皆可藉以宣洩不使爲灾牯牛太平兩河直貫境內沿河居民無積潦之患故縣屬區域多稱兩河沿岸爲膏腴云

黃家河在縣境東南紀家營霍辛莊之間由西而東入永清界水經久涸渠跡猶存每瀝水爲灾則沿渠疊埝用護田禾按咸豐陳志有清淀水在縣東南發源西淀東注聖水永定河改道後入永清之黃家河順天府志固安黃家河一名黃家灣引河攷一統志今之琉璃河即古聖水其故道由涿州東逕固安永清東安霸州皆爲渾河所奪是清淀水乃黃家河之上游至渾河西徙又就故道而作引河即黃家灣引河是黃家河即古清淀水而黃家灣引河之沿襲也

永定河（一名桑乾河又名渾河）……經流縣境北部  
清河（一名小清河）……經流縣境西部  
牯牛河（即金門閘減水引河故道）……  
太平河（即北村灰壩減水引河故道）……  
經流縣境內



河

十八年又疏濬黃家河三十七年又於牛駝南分流之處建築草壩俾水勢三分由牯牛河入中亭河七分由黃家河入津水淀自金門閘至津水淀共長一百四十七里五分

北村灰壩減水引河

永定河南岸三工十一號北村草壩乾隆三十五年挑建壩下舊有引河西行四五里至米各莊歸牯牛河與金門閘減下之水同為一路自東轉西形勢不順往往東漫三十七年將壩向南稍移改建灰壩金門寬十六丈壩下改挑引河一道自北村東挑挖至南栢村仍入金門閘引河計長五十一里有奇嘉慶十一年堵閉今之太平河其遺跡也

求賢灰壩減水

永定河北岸三工四號求賢壩下引河原係古河乾隆四年建築草壩宣洩盛漲之水二十七年改建於三號三十七年又改建於三號頭工並改為灰壩金門寬十六丈引河循行北岸歷宛平固安永清安次等縣境流入鳳河長一百五十餘里道光二年凌汎求賢壩幾至奪溜堵閉同治十二年重修放水光緒三年堵閉六年又重修

固安縣志

卷一地理志

疆域

一六


引河

放水

舊牯牛河

牯牛河在良鄉東南廣陽鹽溝一水之會流也廣陽河在良鄉縣東舊入聖水即琉璃河蘆溝南決遂東注於桑乾鹽溝河發源宛平縣龍門口東南經陶村入桑乾河至清康熙三十七年築堤二河遂不入桑乾東南合流為三岔口又南流至任村西南入大清河每遇水漲奔騰衝突俗謂之牯牛河雍正四年怡賢親王奏請於任村南開挑新河東南逕涿州東固安縣西北循蘆溝河即前渾河故道南入霸州南孟栲栳歸中亭河長二百餘里即金門閘下減水引河也

舊引河



金門閘減水引河(即今牯牛河)……上游游案自縣西始具雛形直貫境內南北  
北村灰壩減水引河(即今太平河)……  
求賢灰壩減水引河……位永定河北經涿縣境東北節今塞  
萬牯牛河……即今牯牛河上游由涿屬任村村南流入金門閘減水引河者今塞



永定兩河兩岸各汛管轄工段圖

## 固安縣志

### 卷一地理志

疆域

一七

各汛管轄隄工長度及近隄十里村莊出夫攷

永定河南岸自三工九號尾入固安縣界經南四工至南五工三號止入永清縣界北岸自三工十三號起入固安縣界經北四上汛至北四下汛十號入永清縣界北四上下兩汛原為一汛道光二十六年始分為上下兩汛民國以來各汛工段屢有變更雖長短不一在本境內者與前大抵相同

兩岸防險民夫向由沿河近隄十里村莊派撥協同積土防險并分別撥給養夫地畝優免雜差令其交土日久弊生經太常寺卿徐樹銘奏請暫停酌用民力一摺奉旨准將交土章程停止至原撥養夫地畝飭即查勘所有水冲沙壓不堪耕種者概行除粮其餘撥回另佃如遇大汛搶險之時由各村公正士紳督率幫搶每夫地三十畝出夫一名免其完納地租險平即行下隄自光緒十年施行沿河村莊感戴徐公盛德建立專祠歲時致祭

附兩岸各汛隄工長度表



建南關外東隅即今永定河務局舊址

南岸同知署 原給房價歲八十兩在固安縣左近賃居民房乾隆三十年領銀建於城東  
祖家場村南

北岸同知署 原給房價歲八十兩在永清縣半截河東賃居民房乾隆二十年領銀建於  
河北北張化村東後移北三工十里鋪村南

南三汎署 在長安城村東隄上

南四汎署 在龍王廟村

北三汎署 在北十里鋪

北四汎署 原在辛安莊後移曹辛莊

南岸守備署 在固安城內東街路南

北岸協備署 在固安城內東街路北

河道行轅 在南四五號隄下

### 固安縣志

### 卷一地理志

疆域

一九

總督防汎公署 原在北關外乾隆十六年移建宛平縣長安城村北

河道防汎公署 一在南岸三工六號隄上一在南岸四工五號隄上

南岸同知防汎公署 一在南岸三工十五號隄上一在南岸四工五號隄上

北岸同知防汎公署 在北岸三工十五號隄上

### 歷代水道變遷及水患和修建隄堰一覽表

代別	紀年	經過情形	書証	備	攷
元	至元三年	發民兵築渾河堤	元史河渠志		
	九年	再築河隄以防河水	同		
	大德六年	築渾河堤長八十里仍禁豪家母侵舊河令屯軍及民耕種	元成宗本紀		
	延祐二年春正月	霖雨壞兩河堰隄沒民田發卒補之	元仁宗本紀		
	泰定四年三月	渾河決發軍民萬人塞之	元泰定帝本紀		
明	洪武十六年	濬桑乾河自固安至高家莊八十里	明史河渠志		

永樂二年十月	修固安渾河決口岸	明成祖本	
七年六月	河決固安賀家口傷禾稼命工部郎中遣官修築	同	
十五年閏五月	修固安縣孫家莊隄岸	同	
宣德六年六月	固安縣奏今夏久雨渾河漲溢沖決徐家等口上命工部撥工修理之	明宣宗本	
七年三月	渾水決固安縣馬莊等隄岸命順天府發民修築		
正統二年四月	命侍郎李庸等修固安隄	明大學士楊榮固安隄記	隄始於元年冬畢工於二年夏用夫匠二萬餘月給糧餉以萬計高二丈三尺廣如之延袤六十五丈既告成賜名固安隄命置守護者二十家建神祠於上有同以時修祀禮
八年六月	渾河水溢決固安縣賈家口張家口等隄詔隣近州縣協力修築	明英宗本	
八年	築固安決口	明史河渠	
十一年六月	渾河氾濫賈家口張家口隄決命有司築之	明英宗本	
天順初	渾河自蘆溝流入縣西時患水溢縣丞王瑛奏請鄰境民夫萬餘修築楊仙務北東岸隄堰	舊志	舊志天順初渾河在縣西二十餘里楊仙務北自蘆溝橋流入縣境時嘗水溢縣丞王瑛請於當道奏請鄰境民夫萬餘助修東岸隄堰北自良鄉縣界南抵霸縣界百餘里直互如引繩高如丘阜上植榆柳久之根盤土固水循故道即前西股引河也

固安縣志

卷一 地理志

疆域

二

成化初	甄家等口潰決知縣李量借屯種軍併力築砌隄防復固	同	按舊志職官表明成化間知縣無名李量者不知舊志因何失載抑係另有所據
嘉靖初	渾河復從縣北十餘里東流至縣東紀家莊北分為二人永清界	同	霸州志正德初在州南門外嘉靖中徙州城北後徙固安北十里舖
萬歷三年三月	縣侯李公築渾河隄三十四里清河隄二十餘里	明都給事中尤懋修隄建龍王廟碑記	按縣侯李公當係李宜春李侯隆慶五年任萬歷三年去職
	渾河潰溢知縣周文謨復築大隄及護城隄後徙縣西十餘里東南逕黃袋北入霸州界尋徙南城隄下	同	
四十一年	渾河水勢泛漲建隄而下射城西門知縣孫織錦與邑紳郭光復率士民日夜修築水不入城復因前制而重築之隄長五百四十丈高二丈八尺兩傍植柳堅完備昔	舊志邑人郭光復初建重隄暨龍王廟碑記	舊志云萬歷未徙縣北榆袋鎮又徙龐家莊（即今龐各莊）
清順治八年辛卯	一夕風雨驟作渾河遂徙固安迤西幾七十里合白溝河南下注於海	永清志	
十一年	由縣西宮村與清水合流南入新城界每決於固安之叵羅袋（即今縣南蒲落袋）	舊志	
康熙十一年	與清水分歸流故道即今之西股引河亦即明嘉靖以前未北移之渾河故道也	順天府志水道	

三十一年四月	直隸巡撫郭世龍疏渾河故道築固永北之故隄順流歸淀是時又改道固安北修固安渾河隄岸六千八百餘丈越月告成	順天府志水道涿州知州秦毓琦奉修固安縣渾河隄岸碑記	
三十七年三月	撫臣于成龍奉旨治河自涿州之老君堂另開河道迤邐而東由固安北十里鋪經永清朱家莊至霸州柳岔口兩岸築隄衛之	舊志永定河志	永定河志聖祖仁皇帝軫念民艱親臨閱視命撫臣于成龍大築隄堰疏濬兼施南岸自良鄉之老君堂起至永清之郭家務止北岸自良鄉之張廟場起至永清之蘆家莊止隄長百八十里挑河長百四十餘里
三十八年三月	修築北隄三十八里五分有奇自本縣米各莊起至永清交界止	舊志知縣楊龍太平莊東河神廟碑	
四十年	培築渾河南岸土隄	舊志	舊志撫臣李光地同藩司黃性震僉事陳廷統奉旨捐工培築新隄自宛平之蘆溝橋終霸州柳岔口中跨涿固永三州縣綿互二百五十餘里
雍正二年	築固安北岸東胡林村舊月隄一百三十丈	舊志	
乾隆二年	東西楊村北築月隄五百九十丈 六月南岸漫溢十八處由宛平固安永清東南等縣瀾漫而下歸鳳河	舊志永定河志	
<b>固安縣志</b>			
<b>卷一地理志</b>			
疆域			
十五年五月三十日	南三工二十五號漫溢旋經堵合	同	
二十四年閏六月	南四工漫溢旋經堵合	同	總督方觀承疏畧云南四工漫水係由大孫郭村順固安東界之道溝趨永清縣城而南循黃家河舊身入霸州津水窪
二十六年七月十一日	北三工十三號漫溢八月初二日堵築工竣	同	
三十八年	南岸四工三號至五號築月隄三百七十九丈	舊志	
四十四年	南北三工兩隄緊束河身偏窄奏准展寬加培舊月隄爲大隄	同	
五十一年	南岸四工一號至三號隄身過於灣曲添築直隄四百一十五丈	同	
嘉慶二十四年七月二十日	南四工二十號漫溢	永定河志	總督方受疇疏畧云南四二十號河水漫過隄身亦未掣動大溜其兩處口門丈尺現因溜勢狂猛未能較準
道光三年六月十日	北三工十二三號漫溢	同	
咸豐三年六月八日	南三工十三號漫溢四年五月初三日堵合	同	
六年六月十八日	北四工上汎十號北三工十三號均漫溢十月初七日北三工水口堵合	同	

民國	七年六月十八日	北四上汎十號隄埵漫塌二十餘丈九月二十五日堵合	同	
	同治七年三月十三日	南四工十七號漫溢掣動大溜刷寬口門二十餘丈	同	
	八月八日	南四工十五號大溜直注隄身初八日忽又北風大作水勢陡漲護隄柳株全行漂失口門刷開十八月上諭餘丈旋即堵合	同治七年	
	八年五月二十一日	北四工下汎五號漫溢十月十二日堵合	永定河志	
	十二年閏六月十五日	南四工九號漫溢九月二十一日堵合	同	
	光緒十六年	南三工漫溢田禾被淹	採訪	
	三十年	南四工八號小孫郭村北漫溢	同	
	三十一年	北上四工十二三號押隄村南漫溢	同	
	宣統三年七月八日	南三工二十號官莊村北漫溢	同	
	六年七月	北三工十一號漫溢十一月堵合	同	

固安縣志

卷一地理志

疆域

一一一

附清河堤堰水患攷

明萬歷二年縣侯李公築清河堤二十餘里北連涿州界南連新城界嗣後迭加修葺不使爲害至光緒十六十八兩年大水冲決西岸代家屯村東隄岸一百五十餘丈十九年春知縣范公思本奏撥春撫以工代賑購椿堵築月餘告成并嚴禁沿河各村隨時加高培厚廣植樹株以固根基且勒石堤傍俾兩岸村民共同遵守

民國六年六月山水陡發東岸堤工二十餘里多被冲決黑家營柳斌屯兩村爲尤甚次年知事徐公元善奉撥水災善後款項七千四百八十元及紳董勸募款項一千元於春三開工不閱月全工蒞事并將保護隄防規則勒諸貞珉俾資遵守

民國十八年永定河南上二決口大溜直注清河東岸固城村側崩潰二百餘丈西岸朱家莊村決口二百餘丈旋由河北賑務會撥款三千元佛教會兩千元興工堵築兩岸殘堤一律告成民衆感德建石隄岸以作紀念至二十八年永定河水復入清河每屆伏夏河水漫溢距河附近田禾時被淹沒

附舊志祥異

晉

永康元年四月張華第舍颺風起折木飛繪折軸六七是月華遇害先是華舍及監省數有妖怪又華方晝臥忽夢屋壞是夜難作

遼

壽昌四年十月水復一歲租七年五月蝗

元

至元六年十二月饑賑米一萬三百石二十年四月王得林妻張氏懷孕五月生一男四手四足圓頭三耳一耳附腦後即死二十九年三月饑發通州河西務粟賑民

大德六年七月蝗

皇慶二年六月雨水壞田稼

至治元年六月大水渾河溢七月水二年賑饑

固安縣志

卷一地理志

疆域

一三三

泰定元年五月水七月清河溢四年六月雨水

至順元年六月蝗

明

成化二十三年大水河溢

正德八年夏黑眚見月餘十三年大饑

嘉靖二年春書晦如夜四年六月十二日雹六年旱蝗九年大水十八年旱麥苗盡枯三十二年大水大饑三十八年大水

萬曆三十九年大水四十一年大水

天啟五年蝗六年又六月初一日大水清河泛漲渰沒又七月初八日泛漲柴積盡冲崇禎二年城陷殺戮甚慘三年旱

清

順治十二年河溢壞城舍十三年霽雨波濤遍野十四年大水傷禾

康熙十八年七月二十八日地震西北有聲如雷壞廬舍傷人民在城西北里許地裂丈餘長二十丈湧黑水溢地數畝二十四年六月大雨壞民舍三十四年六月初五日至初九日大雨如注環城水深丈餘五十年五月旱五十一年六月飛蝗蔓延數村知縣鄭善述率子姪捕撲百姓效力毫不爲災十二月二十七日雨五十二年四月初一日雪五十三年五月初七日縣西雨雹拔木損禾凡所損皆復生收穫無異  
嘉慶十五年渾河決二十二年大旱饑奏發漕米二千石煮粥施賑二十四年渾河南五工決漫溢知子營等一百一十六村

道光三年渾河北三工決漫溢北十里舖等三十三村又南岸二工漫溢大小米各莊宮村等三百八十二村十四年渾河北三工決漫溢北十里舖等八十七村  
咸豐三年渾河南三工決漫溢東西楊村一百二十八村四年蝗知縣陳崇砥率丁役捕撲民不爲災六月初一日龍見於石各莊西南俄而升大雨如注六年渾河北三工決上北四工決七年渾河北四工決

## 固安縣志

### 卷一地理志

疆域

一四

同治六年秋大雨雹

光緒十六年大水二十九年霍亂盛行死亡甚衆三十年小孫郭村北決口三十四年  
彗星現

宣統三年七月初八日南四頭工決口

#### 區村

里長一職創自前明清沿明制民糧一項向由里長催征嗣以花戶拖欠累及里長者有之花戶不欠里長中飽者亦有之人民國後其制始除今則村長鄉長等名稱殆其遺制則不專負催糧責任保甲自衛寔爲當今要務皆由各村鄉長兼任鄉長又稱爲保長鄉里保甲地方爲舊日地方自治之制明始改鄉爲里里設長司賦役又劃地方分保甲保正保長司防衛康熙陳志僅存鄉里之目而村莊不詳咸豐陳志僅書保甲之責而編制未載原規已無可攷証清末各村尚有地方之名每一村或三五村設一人不等則職司隸役供奔走而已人民國乃廢除

自治區於民國初施行劃全縣為十一區至十八年施行新區制併十一區為六區二十三年復併六區為三大區二十五年區制取消逮二十六年事變後為推行自治便利起見恢復舊自治區制今仍之

編鄉之制源於前明清因之(明清鄉里表附後)民國十八年奉令編鄉全縣計編一百八十鄉二十五鎮(編鄉表附後)三十一年一月省憲為調整各縣編鄉組織確立鄉鎮自治基礎實行大編鄉制以一千戶為標準編為一鄉或一鎮不滿一千戶者聯合附近各村莊編組之其因地方習慣或受地勢限制及其他特殊情形之地方雖逾一千戶或不滿一千戶亦得編為鄉或鎮全縣共編一鎮三十鄉各區編鄉情形分別列表於區圖之後

歷代編鄉表舉

明	六鄉二十四里十屯
清因之	
十八年	一八〇鄉二十五鎮
民國	
三十年	三〇鄉一鎮

固安縣志

卷一地理志

疆域

一五

第一區村莊圖



第一區編鄉表

鄉鎮別	村數	戶數	人口數	主村	附	備
第一鎮	城內四	八二五	四四一三	城內	東街第一鎮 南街第二鎮 西街第三鎮 北街第四鎮	蘇莊子附屬西關
第二鄉	一	九	一二七二七七六	公主府	金鋪喇 胡各莊 大龍堂 小龍堂 新營 丁百戶營 南關 東關 李家場 梁家莊 張家場 小西湖 呂家營 留村 小梁渠 南五里鋪 東辛村 南十里鋪	
第一鄉	二	九	一五三四八三七八	柏村	官莊西 玉建里 東相各莊 北相各莊 駝頭西 駝頭高 莊頭西 相各莊 齊莊頭 西位村 東位村 袁各莊 朱各莊 大王村 南石匣北 石匣中 石匣北 關西 關 侯楊莊 祖家場 翟家圈 劉家園 橫街 北五里鋪 東莊西莊	

固安縣志

卷一 地理志

疆域

第二區莊村圖




第二區編鄉表

鄉別	村數	戶數	人口數	主村	附	村	備
第四鄉	二	一一二八	六九六一	大沙堡	南義厚 半邊店 郭翟村 無為村	小沙堡 北斜 毛家營 前邱營 後邱營 莊伙上 袁翟村	
第三鄉	一九	一二六二	八四六柳	泉	西市村 老虎營 甄閻村 西洋屯 東洋屯	北辛街 馬家屯 小野場 丁各莊 北義厚 王閻村 高閻村 東唐洋村	

固安縣志

卷一地理志

疆域





第四區編鄉表

鄉別	村數	戶數	人口數	主村	附村	備攷
第九鄉	七	一七	五三三六	牛駝	金家營 田馬房 菜園 王龍 尚各莊 南流勺	
第十鄉	一	九一五	三九八五	南柏	吳家營 門鐵營 劉頡城 魏頡城 羅頡城 北流勺 琉璃 大孟江 小孟江	化家營 附屬頡城
第十一鄉	一	一三三三	六五二二	林城	林城舖 郭村 紀家營 南趙各莊 南王起營 楊各莊 井田營 岳家務 南宋村	
第十二鄉	一	八二	四二二	黃官營	中所營 李官營 商家務 前龐家務 後龐家務 大方莊 趙辛莊 北王起營 霍辛莊	

固安縣志

卷一地理志

疆域



第五區編鄉表

鄉別	村數	戶數	人口數	主村	附村	備攷
第十四鄉	六	一七三六	一三一	北宋村	王家務 大韓寨 前板村 後板村 隋辛莊 慕賢營	大韓寨又名新安鎮 小韓寨又名樂安村
第十三鄉	六	一三二六	五六六五	東紅寺	後西內 永興莊 張家務 臬小營 西紅寺	永興莊又名蘭辛莊
					李東內 劉東內 張東內 小中內 前西內 賀家營 高小營 大曹家營 麒麟莊 鄭東內	

固安縣志

卷一 地理志

疆域

三




第六區編鄉表

鄉別	村數	戶數	人口數	主村	附村	備致
第十五鄉	一	一二八六	七九四七	渠溝	褚家營 閻家務 洪家場 北羅堡 鄭家營 西辛莊 大小吳村 東辛莊 北小營	
第十六鄉	一	九	九五七三七	禮讓店	韓家莊 閻莊子 大褚林 胡家莊 太師莊 齊家村 賈各莊 後屯 蔡家村	
第十七鄉	八	九四九五	七八七六	大王馬	小馮村 白得礮 荆堡營 南周場 小王馬 關閣店 北周場	
第十八鄉	五	一一七七	六七二五	南黃堡	北黃堡 康家務 周家務 孔家莊	

固安縣志

卷一 地理志

疆域



第七區村莊圖

第七區編鄉表

鄉	別村	數戶	數人口	數主村	附	村	備
第十九鄉	七	一一五二	六二八五	馬莊	東桃園 西桃園 姚家村 屈家營	馬莊今名神武鎮	攷
第二十鄉	一	一九二九	六二二九	沙河口	相公莊 野場 魏家村 河套 辛家村		
第二十一鄉	四	九四二		獨流	新莊戶 王明莊 柳林莊		
第二十二鄉	一	三九二四	五八五七	薛舖頭	李洪莊 桑葉口 新房村 固安戶 高舖頭		
					朱舖頭 王舖頭 鄭家村 圈頭 三公莊 南小寺		

固安縣志

卷一地理志

疆域



第八區編鄉表

鄉別	別村數	戶數	人口數	主村	附村	備
第二十三鄉	一	三一八三	七三六八	宮村	東蘆莊 大崗頭 南趙 四姓莊 太平莊 西宮村 州縣莊 西蘆莊 興隆莊 興隆店 公益村 鄭各莊	
第二十四鄉	六	一八六二	四九	中公由	南公由 大楊先務 東楊先務 北公由 三馬村	三馬村即東南北馬村之總稱達子營附屬南公由
第二十五鄉	一	一七六	一二	北村	西北 趙東西米各莊 門村 門村營 徐東 徐馬公莊東西楊村	東西米各莊及東西楊村均係兩村因其合會辦公每并稱之

固安縣志

卷一 地理志

疆域

三三三

第九區村莊圖



第九區編鄉表

鄉	別村	數戶	數	人口數	主村	附	村	備
第二十七鄉	二	二	三三	五九二	蘇家橋	李家橋 東曹莊 無糧店 大義尚 小義尚 北相	萬家橋 西曹莊 楊家橋 西駱駝灣 東駱駝灣 郭家橋 袁家橋 柳斌屯 辛倉 洪家橋 馬申莊	
第二十六鄉	二	一	三三九	六八九七	北固城	蘇各莊 南固域 東固城 西固城 東大營 西大營 唐皮營 李胡莊 半截塔 東固城 西固城 唐皮營 半邊街 何皮營	蘇各莊 東大營 西大營 唐皮營 李胡莊	


固安縣志

卷一地理志

疆域

三四

第十區村莊圖



第十區編鄉表


鄉	別村數	戶數	人口數	主村	附村	備攷
第二十八鄉	二	一	一四	四九六八	興旺莊	興旺莊俗名狼窩
第二十九鄉	二	一	一一	四六六四	古莊	

固安縣志

卷一地理志

疆域

三五



第十區村莊圖

第十一區編鄉表

鄉別	村數	戶數	人口數	主村	附村	備	
第三十鄉	二	一四九五	七七四	東押堤	東押村 巨福屯 賈家屯 石佛寺 梁各莊 康張華 王家屯 馬家屯 曹辛莊 小黑堡 北十里舖 辛安莊 南張華 西張華 東張華 西押堤 崔家屯 香營 郭家務 劉各莊 南小店 北小店 南化各莊 北化各莊 曹各莊 崔指揮營	洪辛莊 附屬梁各莊 石歇堡 附屬石佛寺	備
明	<p>說</p> <p>一、本縣於民國三十一年奉令施行編鄉制</p> <p>二、全縣共編一鎮三十鄉</p> <p>三、各區鄉鎮戶數人口數主附村等悉按縣署新編鄉表填列</p> <p>四、各區村莊名稱今昔間有不同均於備攷欄內註明</p> <p>五、各區極小村莊已見區圖者并註明其附屬某村俾資參攷</p> <p>六、新城所屬之劉各莊許家莊崔家莊李各莊東北莊兒東堡上西堡上大韓村丁家莊宋家莊等村劃入惠民壕內概歸固安管轄自編鄉制施行新屬各村劃為特別鄉另設鄉長副統制之</p> <p>七、涿縣所屬之楊家屯辛莊及申曹趙孟蔡等莊因居清河之東劃歸固安而固屬清河西之中相等村劃歸涿縣俾資統制而易管轄</p>						

固安縣志

卷一地理志

疆域

三六

附明清鄉里表

鄉名	區域	所轄里屯	備攷
萬春鄉	在縣北縣西二方	官莊里 東徐里 位村里 南趙里 負郭里 位村屯	攷屯之名在明防邊設戍有軍屯在清旗人佔圈有莊屯制改而屯之名相沿未改表內各屯究屬何種寔無可攷進賢屯一項則流寓者多附人之故有(入了進賢屯其人無處尋)之諺至各里各屯人事遷移彼此濫入則惟冊簿是憑而居無定所矣
德義鄉	在縣北縣東二方	西湖里 張化里 改張賢里	
嘉禾鄉	在縣南西東三方	渠溝里 賈家里 禮讓店 馬莊里 賈家屯 南舖里 林城里 趙家里 渠溝屯	
里仁鄉	在縣南東二方	南房里 西內里 黃袋里 馬慶里 沙袋屯 馬慶屯 陳村屯	
歸仁鄉	在縣南西二方	公由里 西張里 西辛里 固城里 彭村里 當渠里	
歸化鄉	在縣城坊廂	三安屯 新安屯 足業屯 進賢屯 豐厚屯 併於進賢屯	

附民國十八年編鄉表

區別	鄉數	鎮數	村數	區公所所在地	備
第一區	三二	九	八一	城內	一兩區合併
第二區	二九	五	六二	柳泉	二兩區合併
第三區	三九	二	七四	牛駝	四兩區合併
第四區	四一	六	六九	彭村	三兩區合併
第五區	二八	三	七一	宮村	八兩區合併
第六區	一一	二	二九	小黑堡	舊十一區
總計	一八一	二五	三八六		

固安縣志

卷一地理志

疆域

附集市一覽表

區別	集市	市日	期	距城方向里數	備	考
第一區	城關	三十五日	八日		三八日大集五十日小集	
第二區	柳泉	一四日	六日	城南十八里	糧食牲畜市在北關柳市在南關皮市在西關	
第三區	大辛莊	一四日	六日	城南三十里	三八日大集五十日小集	
第四區	石各莊	四日	九日	城西南二十里	由丞相莊移石各莊丞相莊集取消	
第五區	東紅寺	三十五日	八日	城東南二十五里	該區內向有大韓寨小中內兩集市今廢	
第六區	渠溝	四日	九日	城西南三十六里	每年祇此一集	



第六區	渠溝廟	四月十九日	農具	涼貨	
第七區	馬莊廟	四月二十八	農具	涼貨	
第八區	中公由廟	九月二十三日	皮貨	棉衣 毛毡	
	宮村廟	四月二十八日	農具	涼貨	先為四月廿八日後改為四月初二日今復改為四月廿八日
	固城廟	四月十五日	皮貨	估衣 毛毡 嫁粧	
第九區	柳斌屯廟	二月十八日	農具		
	後白垩廟	四月二十八日	農具	涼貨	
第十區	知子營廟	四月一日	農具	涼貨	
		九月一日	棉衣	嫁粧	

按城鄉廟會實為一般人民日常用品交易場所春季以尙各莊廟秋季以九月九廟牛駝廟為最屆時商賈雲集遊人如織豐收之年演劇享神各村聖會（如音樂會登雲會小車會等）結彩拈香男紅女綠接踵摩肩頗極一時之盛間有大開賭

## 固安縣志

### 卷一地理志

疆域

三九

場以營利者有傷風化現已嚴行取締

#### 保甲

本縣於民國二十九年奉令施行保甲制其編組法每十家編為一甲設甲長一人十甲編為一保設保長一人區設聯保辦公處遴選聯保主任一人主持各保應辦事宜至推行保甲意義在編組保甲自衛團實施訓練以謀守望相助肅清盜匪並輔助縣政增進效率為主旨茲將編成保甲狀況列表於後

#### 保甲一覽表

項別	村數	聯保辦公處所在地	保數	甲數	自衛團丁數	備	致
域內	四鎮		七	七八	二七五	直屬縣公署	
第一區	四	八域內	二五	二七五	六三六		
第二區	三	九柳泉	一八	一八	一一八		
第三區	三	六石各莊	四一	三九七	一四		

第四區	三	九	牛	駝	二九	二九八	一二七六
第五區	三	二	東	紅	寺	二二二	二二七四
第六區	三	三	渠	溝	二七	二二九	一四七三
第七區	三	五	馬	莊	一五	一七二	三三三二
第八區	三	二	宮	村	一二	七二	二四六
第九區	四	三	固	城	一三	二二四	一一六四
第十區	四	一	古	莊	一六	一九	三七
第十一區	二	九	押	堤	一八	一五六	一二六
總計	四	一	一		二四三	二四一	一三四三

附舊志保甲

挨門設立十家牌稽其出入之處往來之人防盜緝逃互相盤詰相沿日久每每視

為具文前縣屢奉憲諭各村鎮週圍築牆挑濠設立柵欄窩舖輪流看守各備梆鑼

固安縣志

卷一地理志

疆域

四

器械計口編入保甲於十人中擇壯健者為甲長老成殷實者為保長才能者為鄉長遇有盜警互相救護誠守望相助之意

兵防

清代縣境兵備原分為滿漢兩係滿係由順治二年特設披甲駐防重地防守尉統之其兵別為滿州蒙古合編直省凡置十四處兵額多寡不同固駐五十名即俗稱五十馬甲也設

官二員

每歲共支銀一千八百兩米一千一百五十石見畿輔通志

尉下有左右蘇喇章京二人

蘇喇為滿語即執役人之義

左章京

轄滿州披甲三十六副右章京轄蒙古披十甲四副乾隆間裁章京為一人不分左右更名防禦又設驍騎校一人滿蒙不復分轄官員盡鑲紅旗籍其職責所司為邑城盜情而設置原意實為滿清入關所以防漢民之暴動耳每遇旗漢涉訟防守尉與知縣會審公然偏袒漢民苦之人民國始行裁撤

漢係分駐兩汎清康熙六年詳請設置由霸州文安兩營各撥把總一員領部下營卒五十

名分防一駐麟窩汎

即今牛駝

防縣以南一駐固安汎

固舊作信誤

防縣以北逢春夏麟窩把總駐邑

治營房 在舊縣署西北 逢秋冬固安把總駐邑治營房輪值爲例南北以柳泉店分界固安汎地址

無可攷其何時裁撤亦無可攷麟窩汎至清光緒末年巡警成立始行裁撤

經常訓練情形有演武廳三間舊在北關外早廢演武場舊撥旗租地三十畝每年由知縣攤捐租銀三·二七四兩亦早廢至咸豐間每年大閱即於南關西南隅隙地演習其守尉本營演武則在駐防公署後院

經常防守情形城內有守城民壯三十名四鄉則按衝衢要道每隔二里半設更棚隔五里設窩鋪由縣署及麟窩固安兩汎分轄之茲分別列表於後

城鄉各路窩鋪一覽表

道別	起止	經過村數	兵役	統系	備攷
南北關	縣城南北關		由南北總鋪各派役五名南鋪有快壯兩班北鋪有皂捕兩班	快壯四班縣署派	南北關各設總鋪因兩關爲行旅客商站所每早於五更鳴鑼齊集客商同時起程分南北護送其快壯皂捕按五日輪喚接替
南北大道	縣南自新城界小集村北至北十里鋪宛平界止	十二	每一更鋪派警兵一名更夫二名巡役一名通衢設管路捕役署	縣署及固安汎	更夫巡役捕役皆由縣派各道皆同

固安縣志

卷一地理志

疆域

四一

雄縣大道	自公主府至河套村	十二	共派兵三名每更鋪更夫二名巡役一名管路捕役一名	縣署及麟窩汎	
涿州大道	自位村至楊先務	七	同	前縣署及固安汎	
永清大道	自孝城至東內	四	同	前同	
霸州大道	自南五里鋪至林城鋪	十四	共派兵八名每更鋪更夫二名巡役一名管路捕役一名	縣署及固安麟窩兩汎	自南義厚以北屬固安汎派兵五名自半邊店以南屬麟窩汎派兵三名

附軍器

大砲三十六位中砲二十六位坐砲二十位三眼砲三十七桿單眼槍一百五十七桿鉞斧四十三把鈎槍二十桿柳葉槍八桿火毬六架鐵子二百一十三斤知縣秦士奇添造神槍四百桿刀二十口今俱失僅存過山龍砲一位大砲鐵砲四位咸豐三年知縣吳燾督辦團練添造鳥槍四十桿腰刀二十柄長槍二十長杆二十比來物質進化此等武器久歸淘汰矣

驛遞

清初額設遞馬三十匹每年支工料銀三千七十二兩康熙十四年奉裁一千三百一十二兩零嗣又裁馬六匹今額設遞馬止二十四匹雖工料較他處量添然非私畜至五十匹不足敷用緣固邑爲東路衝途接壤涿州新城良鄉霸州永清通州昌平諸路又霸保文大東永六處一應申遞霸昌本道公文俱山固邑直送昌平日必數次差獨繁而路尤邈奉委查河官役絡繹不絕沿河而馳甚至上下接遞鄰封離其城邑各數十里急限回報安肯遶道赴換往往疲長途累日且自四月至九月撥口外安屯五六匹不等資費極多倒斃又甚至若逢行幸大差上憲經臨則另向旗莊平僱不在此論是工料似稍增於昔日而差使實數倍於今時從此蒞茲土者固當支持無誤但恐困憊難甦矣

通志固安縣地稍衝現存馬十四匹夫五名飛遞抄牌一名獸醫一名共銀五百三十一兩一錢遇閏按月加增知縣掌之

咸豐間額設遞馬十二匹每年應於地糧內留支工料銀若干兩遇閏增加

按驛遞寔今郵政之嚆矢惟攷其職司僅限官方文牒來往初非便民之設漢制驛站率

## 固安縣志

### 卷一地理志

疆域

四二

三十里一置唐制仍之自金元後又置急遞舖自十里至三十里不等晝夜行四百里今鄉諺所謂八百里加緊者是也站址擇適中地點設驛丞一人司之順天府志固安驛在縣治不設丞由知縣兼之歷明及清因其需要裁置增減迭有變遷普通用馬有時或亦用車史乘所載乘傳者是矣自滿清光緒末葉政治革新改設郵政驛遞逐漸裁撤而官民胥便矣

### 交通

道路 縣北十里舖爲著名津渡

該渡渡夫往往於春冬封開河時需索遠路行人

由此渡永定河爲通北京大道

深冀等州赴京營業者多取道於此爲京固省路出界點西南經渠溝馬莊等鎮爲通河間保定大道東南經牛駝鎮爲通霸縣大道又東南經東紅寺有通永清至天津大道自汽車通行多由霸縣轉天津矣正西經宮村鎮有至涿縣暨西北山大道現在省縣各路以及境內互相銜結之鄉路均已次第完成交通極便

附表

電話 永定河舊道署多年設立惟係官用非普通民用逮民國十九年各自治區均行添

設嗣經七七事變各綫多遭毀損刻已次第恢復路綫比前加多 附表

郵政 清季宣統元年開辦設郵政代辦處於城內由素興齋點心舖代辦至民國初改爲三等郵局歸北京郵務管理總局直轄旋改爲二等附設城市代辦所一處鄉鎮代辦所八處村鎮信櫃二十五處主要路線有固廊線（固安至廊坊一八里）固霸縣（固安至霸縣八里）又有涿永線（涿縣至永清）橫貫東西郵遞至便


航路 縣西清河即拒馬河北達琉璃河南達天津糧貨輸載日行不斷素爲有利商運之流域  
 汽車 民國十八年添設平固長途汽車爲避京南黃村一帶積沙往來統由永定河南堤經走時起交涉現已用石子將黃村龐各莊直線路徑修好可不繞河堤京固南北直通  
 汽車并可轉達霸縣日行不斷商旅稱便

# 固安縣志

## 卷一 地理志

疆域

四三



縣路一覽表

名稱	起點	訖點	長度	路面寬度	備考
京固省路	縣城	北十里舖	五，三公里	一公尺	直達大興轉達宛平城北十里舖有橋跨永定河
固霸縣路	縣城	劉東內村南	三，	—	直達霸縣
固永縣路	縣城	劉東內村東	一八，	—	
固涿縣路	縣城	宮村鎮西	一五，	—	
固宛縣路	縣城	北張華北	六，	—	
固新縣路	縣城	荊堡營	二一，	—	
縣東路	縣城	東湖莊	四，六一	—	
縣固路	縣城	北固城村	一六，四四	—	畢家莊村西北有橋跨牝牛河
縣獨路	縣城	獨流	三，七	—	渠溝鎮北有橋跨牝牛河
大北鄉路	大辛莊	北趙	八，	—	
柳紅鄉路	柳泉	東紅寺	六，九一	—	
柳韓鄉路	柳泉	大韓寨	四，六一	—	
柳彭鄉路	柳泉	彭村	六，九	—	
彭宮鄉路	彭村	宮村	一五，六	—	
牛大鄉路	牛駝	永清大興閣	四，六一	—	
牛渠鄉路	牛駝	渠溝	九，	—	牛駝鎮西有橋跨牝牛河渠溝鎮東有橋跨牝牛河
牛獨鄉路	牛駝	獨流	一，	—	牛駝鎮南有橋跨牝牛河
沙紅鄉路	沙堡	東紅寺	八，	—	
紅大鄉路	東紅寺	永清大興閣	四，二八	—	
辛小鄉路	辛安莊	小黑堡	五，七六	—	
彭固鄉路	彭村	固城	八，	—	石各莊村東有橋跨牝牛河
大曹鄉路	大辛莊	東曹家莊	七，五	—	

固安縣志

卷一地理志

疆域

禮宮鄉路	獨趙鄉路	紅興鄉路	北碼鄉路	獨馬鄉路	紅古鄉路	渠大鄉路	固李鄉路	石大鄉路	縣古鄉路	古大鄉路	馬南鄉路
禮讓	獨流	東紅寺	北趙	獨流	東紅寺	渠溝鎮	固李城	石大各莊	縣古城	古大清大王莊	馬南莊
店	新城宮井營	興旺莊	涿縣碼頭鎮	馬莊鎮	古莊	大王馬村	李湖莊	大王馬村	古莊	永清大王莊	南小營
四，	三，	四，	一，五	四，六	六，三	五，二	二，八	六，九	四，六	四，一	二，
—	—	—	—	—	—	—	—	—	—	—	—
	由趙家務直達南孟轉霸縣	銜接紅大路直達永清縣城							將借用固永路段長度扣除		

固安縣志

卷一地理志

疆域

四五

縣押鄉路	禮閣鄉路	馬禮鄉路	馬八鄉路
縣城	禮閣	莊	莊
東押堤村	莊	禮讓店	新城八洋莊
，九	一，八	六，七	九，
—	—	—	—
將借用自縣城至十里鋪渡口 京固省路及永定河北堤扣除			

橋梁

永定河橋 城北八里跨永定河民國二十九年建設總署建

青龍橋 城南無為村跨太平河清光緒年間重修

東橋 城南南栢村跨太平河清乾隆五十九年修志舊

惠濟橋 城南牛駝跨忙牛河清咸豐二年重修

清縣人劉姓重修惠濟橋碑記云自古濟人之實達道路利關津通往來便行旅者莫如橋橋之設始於徒杠輿梁徧於長川鉅鎮其墜而仍舉廢而復修者所在多有矧地

當南北之衝橋有木石之藉能勿葺而新之乎牛駝距固邑四十里通山左拱京師車馬遄征輪蹄絡繹久爲通衢鎮之南有牯牛河即古桑乾故道也曲水潑洄環流左右舊時建有二橋歷年已久其一在此橋迤南相距數十武既經頹廢但餘殘碑石柱而已故便於行者獨賴此橋之存近來橋木多墜剝落不治將傾去年冬本鎮文生呂廷琛貢生楊永春等議撤廢橋柱石添置此橋而未敢專也因叩稟邑侯吳父師嗣蒙恩准增修並賞示諭以督其成於是迺捐資募化庀材鳩工經始於春三告成於夏五名之曰惠濟屬余爲文以記之且夫橋之重建也豈惟是踵事舊蹟當路適觀云爾哉蓋將以因攸往之利咸與維新建不拔之規昭茲來許是以留侯受書於圯上司馬題柱於昇仙古來人傳而橋與俱傳者類如斯矣是橋也屹然建於村首豎石爲柱用其舊也構木爲樑增其新也斲輒爲欄疊石爲壩則表其式而固其防也由是高車駟馬常邀過客之清塵流水臥虹永留茲河之勝跡夫以式廓之增如此利濟之宜又如此不可以無記也因爲之溯其緣起紀其年月以備誌修舉之實而勒碑以垂於後云大清咸豐二年歲次壬子蒲月之吉立

蘇家橋 城西二十里跨牯牛河清康熙時建民國初重修

臥虹橋 城西南褚家營跨牯牛河咸豐元年修舊志

同樂橋 城西南禮讓店民國二十一年重修

縣人劉卓峯重修同樂橋記云彼夫輿樑成就畧約橫斜或接浮槎或連故板建石橋以渡海步虹橋以望雲從古橋樑之設未始非濟人利世之要務也禮讓店舊碑誌所載舊有許瀕河一派內有橋影不知建自何年亦不詳其幾時湮沒剩有敗石纍纍淤泥過半每值洪水氾濫之秋不但馬阻車停即人力亦苦於跋涉合村人等重議重修

## 固安縣志

### 卷一 地理志

疆域

四六

艱於巨款近因本村說市會歷有年所會資積蓄數千緡會首楊公士鄉首倡義舉願施會資以爲興作之費而尤恐度用不足合村人等搜羅公產稍獲蠅頭作爲抱彼注茲之用由是會同舊橋山主宋公鳳林挾同公議而宋公亦樂善好施者流聞之更樂爲之不暇發起人倡之於先贊成人和之於後督工者不辭胼胝運料者不憚梯航然而工程浩大日費頗多工未過半將所有儲蓄度支一空勢處無奈乃於附近各村善爲募化而各村諸君子亦各懷與人爲善之心無不樂輸以玉成此事以故從二月開工伊始遲之四月間雖宏規高廠結構莊嚴庶可聿觀厥成焉至竣工落成遠近聞風向慕人既同心橋名同樂銘之碑誌尙具永垂不朽也夫中華民國二十一年孟夏月穀旦敬立

附舊橋梁

謝家莊石橋 城西半截塔遼大安五年建王鼎有記文見金石

石橋 在南新街昔縣未築城時雨水泛溢經流於此明成化間邑侯朱公斲石爲橋

甚堅緻康熙殘本陳志

甯遠橋 城東濠上即東門外

迎薰橋 城南即南門外

豐樂橋 城西即西門外

拱極橋 城北即北門外

舊志以上四橋俱駕池通道明嘉靖甲子知縣何永慶次第創建嗣後或修或葺至萬歷辛酉知縣胡其俊俱用甄修崇隆堅緻如城牖然崇禎三年庚午知縣秦士奇自獲鹿縣來調至邑四門俱改石橋溝深木堅用甄石鐵灰以墊基址而架木于上以通往來向門俱用鐵環以備拉拽無事則為輿梁有事則依然坑塹後屢經黃流衝溢河道盡淤四橋基址蕩然無存惟南門有木橋可通車馬清季尚存今圯府志同

十里舖橋二城北十里跨減河清乾隆四年總督孫嘉淦以求賢村草壩出水舊有

遙河為京南通衢架木長六丈寬一丈四尺空五十一一年重修府志

南趙村橋 城西南三十里跨金門關石壩引河清乾隆四年總河顧琮架木長九

丈一尺寬一丈四尺空七府志

獨流村橋 城西南二十五里跨金門關東服引河清乾隆四年總河顧琮架木長

六丈寬一丈四尺空五府志

牛坨鎮橋 城南四十五里跨金門關東服引河清乾隆四年總河顧琮重建長八

丈四尺寬一丈四尺空七按水至橋下分流南為牯牛河東為王家河為東省至京孔衢府志

### 固安縣志

### 卷一地理志

疆域

四七

涿固同橋 城西鄭各莊跨清河乾隆四十年重修知縣王湘若有記文見金石

石橋 城西二十餘里今不存其地見為三村舊志

按牛駝鎮橋清咸豐年改曰惠濟下餘均圯謝家莊即今城西半截塔未建塔以前之舊村名也王鼎石橋記金石家皆有著錄但僅存其目原文今始拓得殊可賀也

固安縣志

卷一 地理志

第一建置

城池

縣城位於縣境北部北距永定河僅八里城垣低於河身者逾二丈地處建瓚之下一旦河潰當衝則全城淪陷時時堪危溯自民國以來歷經水患雖仰仗護堤幸免湮屯而四週沙壅與日俱增郊外遠觀儼如半沉地下矣城爲南北長方形四隅惟西北爲弧圓其餘皆爲正角向有四門東曰寧遠西曰豐樂北曰拱極南曰迎薰門上各有層樓因年久失修於滿清光緒末年相繼圯毀四門之內旁皆有登城馬道南北西道居門左東則道居門右門各有甕城甕城之門南北則偏東東西則偏南據風鑑家言其內門爲全局之正向外門偏設者避冲而取納氣也此涉神話是否合經姑存其說焉四門南北東西皆正對縱橫兩大街其交通之點恰爲十字中心惟東西兩門皆偏南若以全城論則北街長而南街短城內四

固安縣志

卷一 地理志

建置

一

角各有水池俗曰護城河素爲傾洩穢水之所每至春暖腥臭難聞伏夏淫雨池水深恒數尺街巷泥濘行走不便長期浸漬故城內房屋盡爲碱鹵商民苦之民國七年縣長徐公曾有填平水池之議於東南城根鑿水門引水外出著手未幾即行中輟至今一片鹹水未能利用良可惜也二十六年六月大軍屯集抓夫鑿城架以木椿宛如地洞城之外牆偏穿小孔向外窺測俾資防備迄今遺跡尙存八月城被炮燬西北角與西南角殘破尤重成大缺口城外周圍環以堤池用障濁流以防河決歷代以來開築頻仍二十八年縣長錢公因其久被沙淤恐於城防有碍遂徵集民夫重行修濬自八月興工至十月工竣池深一丈五尺下寬四丈上寬五丈就土爲堤一舉兩得城之缺處相繼修齊自是堤池城壁完整一新四門原有弔橋淤廢已久今所存者僅有石閘尙依稀可辨此就全城現勢而言其歷代創修情形載在舊志附錄於後以存其真

舊志云城池之創明以前不可考已明正德六年盜起山東轉掠河朔邑常被戕民始知

懼時以廷臣議增築郡縣之無城郭者正德十四年御史盧

名雍字師朗江蘇人見創建固安縣城池記文見金石碑

無  
與知縣王宇請助鄰封得霸州及永清等縣各以其衆來助乃築土城周方五里二百

六十九步東西徑三百八十步南北徑七百零八步高連女牆共二丈三尺下闊與高同

上闊七尺五寸鑿池圍城深廣各若干尺又闢四門東曰甯遠西曰豐樂南曰迎薰北曰

拱極各建層樓三間有記

自正德十四年七月興工至次年四月工竣用役夫三千五百人食米二千三十五石用木以根計者三千七百九十餘灰鐵

石炭以斤計者十五萬七千三百六十二斤費公帑  
銀七萬餘兩見創建固安縣城池記文見金石碑無  
嘉靖六年知縣李玦鑿池深一丈五

尺闊三丈

役夫二千五百人見康熙陳修舊志

嘉靖二十九年知縣蘇繼因土城傾圮請于當道始修甃

城其周方上下高闊丈尺與土城同

工興於本年九月十八日竣於次年五月終用磚三百一十餘萬灰二百十九餘萬斤役夫以日計者四

十餘萬人見康熙陳修舊志按此  
志係僅存殘本現藏北京圖書館  
嘉靖四十四年知縣何永慶因舊城卑隘且有圯者復

增土加甃仍舊制而重修之高連女牆共二丈九尺下闊三丈三尺上闊九尺堞口一千

二百一十一個

工興於本年三月三日竣於四月二十日用磚九十四萬三千六百九十八塊灰六十三萬三千一百六十六斤役夫以日計者八萬九百三十六

人於四十三年浚池  
見康熙陳修舊志  
崇禎二年知縣秦士奇以城堞被毀一一補修復重浚池深三丈許

闊四丈餘門設弔橋兩岸築堤高七尺闊五尺崇禎四年知縣申請塞砌六百餘口中留

## 固安縣志

### 卷一地理志

建置

二

炮眼三月而工竣清朝順治間疊遭河冲康熙十八年地震坍塌康熙三十四年六月大

雨洪水橫流盡行溢隕乾隆四十九年知縣李光理請帑銀十二萬七千餘兩重造甃城

上厚一尺八寸下厚三尺城頂高一丈九尺寬一丈二尺下寬一丈六尺通計下長九百

五十八丈八尺上長九百五十九丈九尺咸豐二年知縣吳燾捐修三年河決城東北月

牆衝塌四年署知縣陳崇砥倡捐并召邑民捐貲補修光緒十九年補修

甃城創始於明崇禎九年邑侯黃公奇遇當時併將舊城弔橋女牆濠池加以增修自正

月初六日興工至二月二十五日竣事用磚一百五十餘萬灰八十餘萬斤役夫以日計

者數萬人見邑侯黃公築城記文見金石碑無

四門弔橋創始於崇禎三年邑侯秦公士奇時正滿清入寇掠劫之餘嚴其防禦也施機

括以便啟閉今久圯矣見秦侯創建四門弔橋記文見金石碑無

### 署廨

設官分職各有署司而官制代有變遷署廨亦隨之興廢兼以人禍天災基址亦因而移易

茲將主要治所先詳其現狀次及其沿革至附屬職司列表於後

縣公署 在縣城西門內路北前爲縣立第一完全小學分校原永定河南岸同知故署也  
因河務局久置空閒學校乃臨時借用民國二十六年國變學校停頓舊署圯墟遂遷駐焉署內原有北房二間東西廂房各二間前爲過廳二間東西廂房各兩間再前爲大門門有廊硃楹外植自縣署移駐後因房舍狹隘又於東西兩鄰或租或購逐漸擴充雖粗具規模亦不過因陋就簡作權宜之計勉處偏安違言完善將來或能重起圯墟還於故址則殷然望之

按縣署舊址位城內北部偏西民國二十六年國變淪於炮火蕩焉無存在當時雖殘破不堪尚可收拾若斟酌現勢加以修葺不難恢復舊觀其時因西北城角爲大缺口藩籬不固防禦難周爲策安全故遷今署而舊址逐漸凌夷矣際此民窮財竭輒議興建不其難乎

典獄署 舊縣署內原址

## 固安縣志

### 卷一地理志

建置

三

新民會 在西大街新縣署西

合作社 在北大街文廟東

警備大隊部 在太平街北頭路西  
前保安隊大隊部

警察所 在縣署內

城內鎮鎮公所 在十字街路西

第一區警察分所 在南關

第一區城內警察分駐所 在城隍廟

新民會青年訓練所 在靈感普濟菴

電話交換所 在縣署內

商會 在西大街關帝廟後院

農會 在十字街路西  
附鎮公所內

道院 在李公祠西

舊志云縣治在城西北隅學宮之右創於洪武二年又九年重修天順四年知縣李端重修成化十年知縣朱善召邑民張堅牛珣曹儉蘇哲李綱等各捐資庀材拓其基而悉經制之堂門倉庫燦然畢具國初以來疊經知縣王遵李本宸武廷适徐天德張安世鄭善述重修舊志有鑾駕庫在堂東申明旌善亭在大門左右義倉在堂西今俱圯道光年間二堂縣宅大半傾圮又經知縣朱瑞金修葺咸豐四年縣治大堂獄牆復圯署知縣陳崇砥復補修今大堂三間堂前為大門儀門大門外為照壁大門內東為土地祠西為囚圍左右有皂役房儀門內東西吏廨共十間西側為馬號中為木坊一座堂後為牧愛堂三間東西廂房共四間北屋二間再後為知縣宅正房五間東西廂房共五間宅東為廚房五間宅西為花廳北屋四間花廳後為幕館三間西廂房二間再後為書舍二間東西廂房各二間

附已廢署廨一覽表

名稱		位置	重修	房間	存廢	備考
固安縣志		卷一地理志 建置				
陰陽學	在舊縣署東			久廢	舊設陰陽訓術一員見康熙陳志	
醫學	在舊縣署西			久廢	舊設醫學訓科一員見康熙陳志	
僧會司	舊在西街三佛寺後	邑侯孫繼錦重修		久廢	舊設僧會一員見康熙陳志	
道會司	舊在舊署東北長真觀後在城隍廟後道院	在長真觀時邑紳傅好禮與眾士民重修後圯始移城隍廟後院		久廢	舊設道會一員見康熙陳志	
主簿宅	在縣署內知縣宅後		正廳五間東西廂房各一間一門一間大門一間後儀門一間二堂二間寢室五間後廂房東西各二間大小住房共七間涼亭一座在宅東偏	久廢		
典史署	舊在知縣宅後西北隅		正廳三間東西各三間一門一間大門一間二堂二間穿堂一間寢室三間書房一間大小住房六間涼亭一座住宅西側	久廢		
防守尉公署	在南街西向	康熙四十九年固山大修葺		久廢	人民國後廢	

把總署	信安汎在縣南大街路西 牛塌汎在牛渦集			人民國後廢	
縣丞	在北四十二汎十五號				清時縣丞專管河工
察院	在縣治東百餘步		激揚坊一座石獅一雙大堂三間東西廂房各二間穿堂二間寢室三間後東西房各一間二門一間左右角門大門三間影門一座官亭在大門東西各三間旗竿二	久廢	見康熙陳志
北察院	在城隍廟西側		大堂三間東西廂房各一間穿堂三間寢室三間後東西廂房各一間二門一間左右角門大門二間影門	久廢	見康熙陳志
營房	在縣署後城隍廟巷		房八間	久廢	見康熙陳志
養濟院	在北門外北街迤北東向		大小住房十八間正廳三間	久廢	為官府稽查孤貧之所見康熙陳志
總督防汎公署	在北關外			久廢	乾隆十六年移置宛平縣長安城
河道署	在南關外	乾隆二十年建	百餘間	今圯	自永定河務局移置盧濟溝橋日漸傾圯
南岸同知署	在西門內路北			今存	即今縣公署
南岸守備署	在東門內路南			今廢	
北岸協備署	在東門內路北			今廢	

固安縣志

卷一地理志

建置

五

學宮

湖固安學宮之建舊志謂始於明洪武三年而職官表所載學正則始於元是始於洪武者當係重建而非創建矣

學宮 位於城內西北部在縣署之東包括文廟與教諭訓導兩廨文廟居前兩廨居後自明成化迄清光緒末年歷經修建而嘉靖至乾隆二百年間修建尤多爾時右文之盛可見一般自光緒以降廢科舉建學堂政治更張學宮弛廢逮民國二十六年國變遂全部蕩然其遺跡僅存者只東西廡與戟門奎星樓文昌祠欹斜殘破兀立荒坵銅駝禾黍感慨係之矣刻將戟門東西兩廡略為修理改設保甲長訓練所惟大成殿工程浩大須俟民力稍紓再行修建今據兩陳志所記學宮建築分別繪圖列表詳其沿革於後

學宮文廟舊跡圖



名宦祠 與戟門平列名各三間  
鄉賢祠 宦祠在戟門東  
鄉賢祠在戟門  
西均向南

民國二十年教育館  
用

社學縣鄉皆有惟遺跡則久不可攷  
學院講堂舊志未載今據大都路固安  
州初建學院講堂碑記攷補文見金  
石元大德九年達魯花赤馬塔刺海  
温知州高淵建故址無可攷

文官廳 在戟門前洋池  
兩邊

間數無攷

久圯

忠義節孝祠 在櫺星門外

東為忠義祠西為節孝祠各一間均南向

人民國圯

啟聖祠

在大成殿後偏西

三間

人民國圯

文昌祠

在大成殿東

三間南向

尚存間架

魁星樓

在文昌祠後

三層南向

尚存

觀德亭

在長真觀前

當時有射圃此當為圃上之亭共三間原尚有射器布候旗鼓之屬

久廢

社學

學院

在文廟之東北

講堂

在大成殿之西

### 固安縣志

### 卷一地理志

建置

七

### 祀事

大成殿崇祀

至聖先師孔子

文廟通攷孔子名邱字仲尼周魯人生襄公二十二年

周靈王二十一年

庚戌十月庚子

即今之八月二

卒哀公十六年

周敬王四十四年

壬戌四月十八日己丑

即今二月十八日

年七十三

漢高祖十二年詔祀孔子以太牢諸侯王卿相至郡先謁廟後從政

祀孔子始此

平帝元始元年諡孔子褒成宣公

稱公始此

後漢明帝永平二年詔學校皆祀周公孔子十五年幸關里祀孔子及七十二弟子

祀學始此

和帝封褒尊候

靈帝光和元年置鴻都門學畫先聖及七十二弟子像

畫像始此

魏文帝黃初中詔起舊廟設卒守衛齊王正始七年令太常釋奠以太牢祀於辟雍以顏

淵配

釋奠大學始此前者祀於闕里

北魏孝文帝太和十六年親修謁拜禮改諡文聖尼父文成帝詔宣尼之廟別勅有司薦享有司行薦享始此

隋文帝開皇初贈孔子為先師尼父周公為先聖南面孔子東面制國學州縣學春秋釋

奠州縣釋奠始此

唐高祖武德二年詔國學分立周公孔子廟周孔各廟始此贈孔子太師太宗諡文宣王詔天下

州縣皆立專廟塑像出內庭衣袞冕正南面

貞觀四年詔州縣立廟致祭以左邱明等配徧祀天下學以先儒配始此

玄宗開元十三年諡文宣王

宋太祖建隆三年詔文廟門立戟十六真宗咸平三年諡元聖文宣王大中祥符二年詔

太常院定州縣禮器數仁宗至和二年詔封孔子後為衍聖公衍聖之稱始此

元世祖詔釋奠官員各公服諸儒欄帶唐巾行禮執事諸儒變常服始此武宗追諡大成至聖文宣

王

### 固安縣志

### 卷一地理志

建置

八

明太祖洪武三年更定釋奠孔子祭器禮物初孔子之祀像設高座而器物陳於座下弗

稱其儀其來已久至是定擬為高案其籩豆簋簠悉代以瓷器二十六年頒大成樂器

於天下世宗嘉靖九年更號曰至聖先師孔子用木主

清順治二年定諡為大成至聖文宣先師孔子十四年改諡為至聖先師孔子

東配

復聖顏子

名回字子淵魯人漢永平十二年祀七十二弟子顏子位第一魏晉祀孔子以顏子配唐貞觀二年以孔子為先聖顏子配饗

述聖子思子

名伋字子思孔子孫宋大觀二年從祀端平二年升列哲位咸淳三年配饗

西配

宗聖曾子

名參字子輿魯武城人唐開元八年從祀宋咸淳三年配饗

亞聖孟子

名軻字子輿鄒人宋元豐七年配饗

東哲

先賢閔子

名損字子騫魯人唐開元八年從祀

先賢冉子 名雍字仲弓魯人  
唐開元八年從祀

先賢端木子 名賜字子貢衛人  
唐開元八年從祀

先賢仲子 名由字子路魯人  
唐開元八年從祀

先賢卜子 名商字子夏衛人唐貞觀二十一年  
以經師從祀開元八年以十哲從祀

先賢有子 名若字子有唐開元八年從祀  
清乾隆三年升列哲位

### 西哲

先賢冉子 名耕字伯牛魯人  
唐開元八年從祀

先賢宰子 名予字子我魯人  
唐開元八年從祀

先賢冉子 名求字子有仲弓之  
族唐開元八年從祀

先賢言子 名偃字子游吳人  
唐開元八年從祀

先賢顓孫子 名師字子張陳人唐開元二十七  
年從祀宋咸淳三年升列哲位

先賢朱子 名熹字元晦宋婺源人淳祐元年  
從祀清康熙五十一年升列哲位

## 固安縣志

### 卷一地理志

建置

### 東廡先賢

先賢公孫僑 字子產鄭東里人  
清咸豐七年從祀

先賢林放 字子邱魯人唐開元二十七年從祀明  
嘉靖九年改祀於鄉清雍正二年復祀

先賢原憲 字子思宋人唐開元  
二十七年從祀

先賢南宮适 字子容魯人唐開  
元二十七年從祀

先賢商瞿 字子木魯人唐開  
元二十七年從祀

先賢漆雕開 字子若蔡人唐開  
元二十七年從祀

先賢司馬耕 字了牛宋人唐開  
元二十七年從祀

先賢梁鱣 字子魚齊人唐開  
元二十七年從祀

先賢冉儒 字子魯魯人唐開  
元二十七年從祀

先賢伯虔 字子析魯人唐開  
元二十七年從祀

先賢冉季 字子產魯人唐開  
元二十七年從祀

先賢漆雕徒父 字子有蔡人唐開元二十七年從祀

先賢漆雕哆 字子歛魯人唐開元二十七年從祀

先賢西赤 字子華魯人唐開元二十七年從祀

先賢任不齊 字子選楚人唐開元二十七年從祀

先賢公良儒 字子正陳人唐開元二十七年從祀

先賢公肩定 字子仲魯人唐開元二十七年從祀

先賢鄒單 字子家魯人唐開元二十七年從祀

先賢罕父黑 字子索魯人唐開元二十七年從祀

先賢榮旂 字子祺魯人唐開元二十七年從祀

先賢左人郢 字子行魯人唐開元二十七年從祀

先賢鄭國 字子徒魯人唐開元二十七年從祀

先賢原元 字子籍魯人唐開元二十七年從祀

### 固安縣志

### 卷一地理志

建置

一

先賢廉潔 字子曹衛人唐開元二十七年從祀

先賢叔孫會 字子期魯人唐開元二十七年從祀

先賢公西輿如 字子上魯人唐開元二十七年從祀

先賢邾巽 字子斂魯人唐開元二十七年從祀

先賢陳亢 字子禽陳人唐開元二十七年從祀

先賢琴張 字子開衛人唐開元二十七年從祀

先賢步叔乘 字子車齊人唐開元二十七年從祀

先賢秦非 字子之齊人唐開元二十七年從祀

先賢顏噲 字子聲魯人唐開元二十七年從祀

先賢顏何 字子冉魯人唐開元二十七年從祀  
明嘉靖九年罷清雍正二年復祀

先賢縣亶 字子象魯人清雍正二年從祀

先賢牧皮 清雍正二年從祀

先賢樂正克 清雍正二年從祀

先賢萬章 清雍正二年從祀

先賢周敦頤 字茂叔宋道州營道人淳祐元年從祀清康熙五十三年改稱先賢

先賢程顥 字伯淳宋河南洛陽人咸淳三年從祀清康熙五十三年改稱先賢

先賢邵雍 字堯夫宋河南人咸淳三年從祀清康熙五十三年改稱先賢

### 西廡先賢

先賢遽瓊 字伯玉衛人唐開元二十七年從祀明嘉靖九年改祀於鄉清雍正二年從祀

先賢澹臺滅明 字子羽魯武城人唐開元二十七年從祀

先賢宓不齊 字子賤魯人唐開元二十七年從祀

先賢公冶長 字子長魯人唐開元二十七年從祀

先賢公哲哀 字季次魯人唐開元二十七年從祀

先賢高柴 字子羔齊人唐開元二十七年從祀

## 固安縣志

### 卷一地理志

建置

先賢樊涇 字子遲魯人唐開元二十七年從祀

先賢商澤 字子季魯人唐開元二十七年從祀

先賢巫馬施 字子期魯人唐開元二十七年從祀

先賢顏辛 字子柳魯人唐開元二十七年從祀

先賢曹邴 字子循蔡人唐開元二十七年從祀

先賢公孫龍 字子石衛人唐開元二十七年從祀

先賢秦商 字子丕魯人唐開元二十七年從祀

先賢顏高 字子驕魯人唐開元二十七年從祀

先賢壤駟赤 字子徒秦人唐開元二十七年從祀

先賢石作蜀 字子明秦人唐開元二十七年從祀

先賢公夏首 字子乘魯人唐開元二十七年從祀

先賢后處 字子里齊人唐開元二十七年從祀

先賢奚容蒧 字子哲 衛人 唐開元二十七年從祀

先賢顏祖 字子襄 魯人 唐開元二十七年從祀

先賢句井疆 字子疆 衛人 唐開元二十七年從祀

先賢秦祖 字子南 魯人 唐開元二十七年從祀

先賢縣成 字子祺 魯人 唐開元二十七年從祀

先賢公孫句茲 字子之 魯人 唐開元二十七年從祀

先賢燕伋 字子思 魯人 唐開元二十七年從祀

先賢樂欬 字子聲 魯人 唐開元二十七年從祀

先賢狄黑 字子哲 衛人 唐開元二十七年從祀

先賢孔忠 字子蔑 孟皮之子 唐開元二十七年從祀

先賢公西蒧 字子上 魯人 唐開元二十七年從祀

先賢顏之僕 字子叔 魯人 唐開元二十七年從祀

### 固安縣志

### 卷一 地理志

建置

先賢施之常 字子恒 魯人 唐開元二十七年從祀

先賢申枨 字子周 魯人 唐開元二十七年從祀

先賢左邱明 魯中都人 為魯太史 唐貞觀二十一年以經師從祀

先賢秦冉 字子開 蔡人 唐開元二十七年從祀 明嘉靖九年罷 清雍正二年復祀

先賢公明儀 魯人 清咸豐三年從祀

先賢公都子 齊人 清雍正二年從祀

先賢公孫丑 齊人 清雍正二年從祀

先賢張載 字子厚 世居大梁 後僑寓郟縣 橫渠鎮 淳祐元年從祀 清康熙五十三年改稱先賢

先賢程頤 字正叔 河南洛陽人 伯淳之弟 淳祐元年從祀 清康熙五十三年改稱先賢

### 東廡先儒

先儒公羊高 字人子 夏弟子 唐貞觀二十一年從祀

先儒伏勝 濟南人 秦博士 唐貞觀二十一年從祀

先儒毛亨 秦河間人受詩於荀卿以授毛萇清同治二年從祀

先儒孔安國 字子國孔子十一世孫漢武帝為博士唐貞觀二十一年從祀

先儒后蒼 字近君東海剡人漢宣帝時為博士明嘉靖九年從祀

先儒許慎 字叔重漢汝南邵陵人桓帝時官南閣祭酒清光緒二年從祀

先儒鄭康成 名玄以字行漢高密人唐貞觀二十一年從祀明嘉靖九年改祀於鄉清雍正二十一年從祀

先儒范甯 字武子晉南陽順陽人唐貞觀二十一年從祀明嘉靖九年改祀於鄉清雍正二十一年復祀

先儒陸贄 字敬輿唐蘇州嘉興人清道光六年從祀

先儒范仲淹 字希文宋蘇州吳縣人清康熙五十四年從祀

先儒歐陽修 字永叔宋廬陵人明嘉靖九年從祀

先儒司馬光 字君實宋夏縣涑水鄉人咸淳三年從祀

先儒謝良佐 字顯道宋壽春上蔡人清道光二十九年從祀

先儒羅從彥 字仲素宋劍南羅源人明萬歷四十二年從祀

### 固安縣志

### 卷一地理志

建置

一三

先儒李綱 字伯杞宋邵武人清咸豐元年從祀

先儒張栻 字敬夫宋漢州綿竹人宋景定二年從祀

先儒陸九淵 字子靜宋撫州金溪人明嘉靖九年從祀

先儒陳淳 字安鄉宋漳州龍溪人清雍正二年從祀

先儒真德秀 字景元宋浦城人明正統二年從祀

先儒何基 字子恭宋婺州金華人清雍正二年從祀

先儒文天祥 字宋瑞又字履善宋吉州吉水人清道光二十三年從祀

先儒趙復 字仁甫元德安人清雍正二年從祀

先儒金履祥 字吉父元婺州蘭溪人清雍正二年從祀

先儒劉因 字夢吉元直隸容城人清宣統三年從祀

先儒陳澔 字可大元都昌人清雍正二年從祀

先儒方孝儒 字布直明甯海人清同治二年從祀

先儒薛瑄 字德温 明山西河津人 隆慶五年從祀

先儒胡居仁 字叔心 明江西餘干人 萬歷十二年從祀

先儒羅欽順 字允升 明江西太和 人 清雍正二年從祀

先儒呂柟 字仲木 明陝西高陵 人 清同治二年從祀

先儒劉宗周 字起東 明浙江山陰 人 清道光二年從祀

先儒張履祥 字考夫 清浙江桐鄉 人 同治十年從祀

先儒黃宗羲 字太冲 明浙江餘姚 人 清初隱居 講學 光緒三十四年從祀

先儒王夫之 字而農 明湖南衡陽 人 初隱居 衡陽之石船山 光緒三十四年觀祀

先儒陸隴其 字稼書 清浙江平湖 人 雍正二年從祀

先儒張伯行 字孝先 清河南儀封 人 光緒四年從祀

西廡先儒

先儒穀梁赤 字元始 魯人子夏弟子 唐貞觀二十一年從祀

固安縣志

卷一地理志

建置

一四

先儒高堂生 字伯漢 秦末漢初 人 唐貞觀二十一年從祀

先儒董仲舒 漢廣川人 元至 順元年從祀

先儒劉德 漢景帝子 封河間王 諡曰獻 清光緒三年從祀

先儒毛萇 漢趙人 河間獻王博士 唐貞觀二十一年從祀

先儒杜子春 漢河南緱氏 人 唐貞 觀二十一年從祀

先儒趙岐 漢長陵人 清宣 統三年從祀

先儒諸葛亮 字孔明 漢南陽人 清雍正二年從祀

先儒王通 字仲淹 隋河東龍門 人 明嘉靖九年從祀

先儒韓愈 字退之 唐鄧州南陽 人 宋元豐七年從祀

先儒胡瑗 字翼之 宋泰州海陵 人 明嘉靖九年從祀

先儒韓琦 字稚雅 宋相州安陽 人 清咸豐二年從祀

先儒楊時 字中立 宋劍南將樂 人 明宏治八年從祀

先儒游酢 字定夫 宋建州建陽人  
清光緒十八年從祀

先儒呂大臨 字叔與 宋汲郡人  
清宣統三年從祀

先儒尹焯 字彥明 宋洛水人  
清雍正二年從祀

先儒胡安國 字康侯 宋建寧崇安人  
明正統二年從祀

先儒李侗 字愿中 宋劍南劍蒲人  
明萬曆四十二年從祀

先儒呂祖謙 字伯恭 宋人本居壽州遷婺州 宋景定二年從祀

先儒袁燮 字叔和 宋慶元鄞縣人  
清同治七年從祀

先儒輔廣 字漢卿 本宋河朔人南渡居秀州崇德縣 清光緒五年從祀

先儒蔡沈 字仲默 宋建州建陽人  
明正統二年從祀

先儒黃幹 字直卿 宋福州閩縣人  
清雍正二年從祀

先儒魏了翁 字華甫 宋邛州蒲江人  
清雍正二年從祀

先儒王柏 字會之 宋婺州金華人  
清雍正二年從祀

### 固安縣志

### 卷一 地理志

建置

一五

先儒許衡 字仲平 元河內人  
元皇慶二年從祀

先儒陸秀夫 字君實 宋楚州鹽城人  
清咸豐九年從祀

先儒吳澄 字幼清 元撫州崇仁人  
明正統八年從祀  
從祀嘉靖九年 罷清乾隆二年復祀

先儒許謙 字益之 元金華人  
清雍正二年從祀

先儒曹端 字正夫 明河南滎池人  
清咸豐十年從祀

先儒陳獻章 字公甫 明廣東新會人  
明萬曆十二年從祀

先儒蔡清 字介夫 明福建晉江人  
清雍正二年從祀

先儒王守仁 字伯安 明浙江餘姚人  
萬曆十二年從祀

先儒呂坤 字叔簡 明河南寧陵人  
清道光六年從祀

先儒黃道周 字幼平 明福建漳浦人  
清道光五年從祀

先儒陸世儀 字道威 明諸生江蘇太倉州人  
清初隱居講學 光緒元年從祀

先儒顧炎武 字寧人 明江南崑山人  
清光緒三十四年從祀

先儒湯斌 字孔伯清河南睢州人道光三年從祀

崇聖祠祀

肇聖王木金父公 父孔父嘉宋襄公子弗父何之五世孫也親盡別為公族以父字故姓孔氏生祈父清雍正元年追封肇聖王

裕聖王祈父公 家語作澤夷生防叔清雍正元年追封裕聖王

詒聖王防叔公 防叔畏華氏之逼而奔魯孔氏始為魯人生伯夏清雍正元年追封詒聖王

昌聖王伯夏公 生叔梁紇清雍正元年追封昌聖王

啟聖王叔梁公 叔梁紇為魯陬邑大夫魯襄公二十二年周靈王之二十一年也生孔子於陬邑昌平鄉之闕里清雍正元年更啟聖祠為崇聖祠仍封啟聖王

東配

先賢孔氏 名孟皮孔子兄清咸豐七年配饗

先賢顏氏 名無繇字路顏子父唐開元二十七年從祀明嘉靖九年配饗

先賢孔氏 名鯉字伯魚孔子子思父宋咸淳二年從祀明嘉靖九年配饗

西配

固安縣志 卷一地理志 建置

先賢曾氏 名點字皙曾子父唐開元二十七年從祀明嘉靖九年配饗

先賢孟孫氏 名激字子直孟子父明嘉靖九年從祀

東廡

先儒周氏 名輔成周子敦頤父明萬曆二十三年從祀

先儒程氏 名珦程子顥頤父明嘉靖九年從祀

先儒蔡氏 名元定蔡子沈父明嘉靖九年從祀

西廡

先儒張氏 名迪張子載父清雍正二年從祀

先儒朱氏 名松朱子熹父明嘉靖九年從祀

名宦祠

明王宇 蘇繼 孫延長 馮子履 梅國楨 黃奇遇 楊東山

韓 垵 朱國治

鄉賢祠

晉 張華

梁 張宏策

元 李天翼

明 張素

張允濟

楊春元

忠義孝弟祠

明 李毓英

楊紹庭

盧敏行

張我經

固安縣志

卷一 地理志

建置

一七

曹嘉采

辛嘉顯

張正蒙

王致恬

劉宗禹

黃拱中

傅敦禮

元 哈都赤

明 張塤

清 宋印奇

張進寶

以上孝友

王復

傅好禮

郭九圍

張國銘

楊紹麻

盧敏道

張本宿

曹可定

常可久

韓復愈

辛玉潤

袁秉謙

倪文德

傅國樑

齊綱

李九祥

寇進寶

楊和

郭光復

蘇爾和

蘇爾和

楊紹席

盧敏壯

張斗宿

時方盛

王思問

王善修

張杲

龐繼志

韋尙志

傅國楠

庫天才

楊直政

寇進孝

楊維聰

祖志伊

王家賢

王家賢

楊紹店

盧克昌

呂金聲

時明盛

周自任

張可久

張其幃

劉宗臯

單養性

傅商維

隨宗印

張士學

楊維傑

李天祥

張望

張望

楊紹序

盧克俊

呂和聲

張居仁

方有秋

賈尙德

張慎行

陶昌

李允超

傅國樞

孫延增

劉九功

蘇志臯

于進善

張祚

張祚

楊充業

傅商衡

李允茗

張居義

龐時醇

王存養

劉餘祉

陶之茂

楊憲學

以上忠義

孫延英

卜進義

張承叙

李時康

張宏度

張宏度

楊京業

傅國檻

李優賢

辛丕顯

祖孟義

王變化

劉宗伯

趙棟

楊取學

李思聰

李思聰

崔玉乾





取工百二十  
一人方足用

繫牲 選牛一頭羊二十二隻豕二十二口察肥瘠辨毛色

雍正三年  
制用烏牛

入滌三旬

會典大祀  
三月中祀

三旬小祀一旬  
先師屬中祀

齋戒 先期設齋戒牌各官致齋二日

古有先散齋後致齋  
丁祭散齋二日致齋一日

沐浴更衣宿於齋所

整備 備祭品祝帛燈燎官巡視牲牢諸生拂神主監灑掃拭祭案滌祭器

演習 先期開單傳集前數日樂舞生演樂職事生習禮教官監視於明倫堂前一日各官

齊集肄儀

刑牲 前一日設香案於牲房外獻官常服贊引詣省牲所職事者牽牲於案前過省畢乃

刑牲盛毛血

照案數用淨盤各  
盛少許祭時瘞之

臨祭 職事生三鼓齊集監烹飪裝派陳樂器燈燎主祭官

州縣

分獻官

教職佐貳屬  
員次則廩生

陪祭官

武官一體行禮始  
於康熙四十九年

均四鼓詣齋房

文東武西依次靜坐不得間  
談游走本籍搢紳亦宜隨班

陳設 各官省梁盛及登鉶籩豆實職事生陳祝帛供罇爵按圖陳品饌

### 固安縣志

#### 卷一地理志

建置

一一

祭崇聖祠 是日四鼓教官承祭

禮部則例教諭正祭訓導分獻不隸省  
會之府州縣以廩生二人分獻兩廡

官禮生贊禮

無用  
諸生

或侑  
生 諸生司爵帛讀祝

起鼓 鼓初嚴遍燃庭燎香燭鼓再嚴通贊生樂舞生及職事者各序立丹墀兩傍鼓三嚴

引贊各引獻官至丹墀下立

盥洗 裡房稟起鼓時引贊生請行禮唱詣盥洗所唱沐手進巾唱詣拜位

就位 通贊唱啟戶樂舞生各司其事

從容  
就班

職事生各供乃職

魚貫  
進戶

部祭官各就位

文東武  
西序立

階  
下 分獻官各就位

夾勇  
道立

主祭官就位

立中階  
均北面

瘞毛血 通贊唱瘞毛血諸生捧毛血盤送瘞所

正案由中門出餘  
案各由左右門出

瘞訖

灌鬯 通贊唱行灌鬯禮引贊唱跪唱進璋池

識事生左進  
璋右進池

唱灌酒

主祭官捧龍璋  
向沙地三滴酒

唱徹璋

池唱叩首興

參神 通贊唱迎神司旛舉麾唱樂奏昭平之章

樂作

通贊唱三跪九叩興

初獻 俟樂止通贊唱奠帛行初獻禮司旛舉麾唱樂奏宣平之章

樂作

司節舉旌唱宣平執

舞作引贊唱升壇主祭官由東階上唱詣罇所司尊者舉罇酌酒酌訖唱詣香案前唱就

位跪一叩首三上香後一叩首興唱詣神位前唱就位跪一叩首獻帛奠於案前初獻爵奠於正中

一叩首興唱詣復聖顏子神位前唱就位跪三上香一叩首獻帛奠於案前初獻爵奠於正中一叩

首興詣宗聖述聖儀同

讀祝 唱詣讀祝位唱就位跪通贊唱衆官皆跪樂暫止唱宣讀祝文司祝詣祝案前跪三叩首捧祝版跪案左

讀訖興詣香案傍跪安於案三叩首退樂作通贊引贊同唱三叩首興主祭官拜殿上各官拜階引贊唱復位

亞獻 俟樂止通贊唱行亞獻禮司旛舉麾唱樂奏秩平之章樂作司節舉旌唱秩平執舞舞作

引贊唱升壇主祭官由東階上唱詣神位前唱就位跪一叩首亞獻爵奠於左二叩首興詣

四配儀同獻畢唱復位

終獻 俟樂止通贊唱行終獻禮司旛舉麾唱樂奏叙平之章樂作司節舉旌唱叙平執舞舞作

引贊唱升壇叩跪如前儀終獻爵奠於右獻四配畢

飲福受胙 唱詣飲福受胙位唱就位跪飲福酒受福胙三叩首興復位樂止舞生退立階

### 固安縣志

#### 卷一地理志

建置

一一

下

分獻 兩序用諸生四人爲引贊兩廡用官禮生或佾生俟正獻官詣復聖時通贊唱行分獻禮三獻均與四配儀同

徹饌 通贊唱徹饌司旛舉麾唱樂奏懿平之章樂作職事生徹饌

送神 俟樂止通贊唱送神司旛舉麾唱樂奏德平之章樂作各官行三跪九叩禮職事生捧

祝帛俟

送燎 通贊唱讀祝者捧祝進帛者捧帛各詣燎所各官避立拜位傍俟祝帛過引贊唱各

官各詣燎位望燎畢唱復位俟樂止通贊引贊同唱禮畢通贊唱闔戶樂舞職事各生皆

退引贊各引獻官回齋房更衣訖各詣鬻門外乘轎回署

祭後 教官祭四祔祠通禮直省府州縣附廟左右各建忠義孝悌祠節孝祠名宦祠鄉賢祠歲春秋釋奠禮畢教諭公服詣祠致祭頒胙職事生

監洗滌祭器收藏樂器

附錄壇廟祀典云各直省府州縣學凡官員到任後一二日示期行香即釋菜之意

### 附祭品陳設圖



文廟哲位陳設圖




文廟兩廡陳設圖



崇聖祠記位陳設圖



崇聖祠正位陳設圖



崇聖祠兩廡陳設圖



固安縣志

卷一地理志

建置

一五

祭器

爵 范銅爲之通高四寸六分深二寸三分兩柱高七分三分足相距各一寸五分高二寸腹爲雷文饗饗形

登 范銅爲之通高六寸深二寸口徑四寸九分校圍六寸九分足徑四寸七分口爲回紋中爲雷紋柱爲饗饗足爲垂雲紋蓋高一寸六分徑四寸六分頂高三分上爲星紋中垂雲紋口亦回紋

鉶 范銅爲之通高四寸一分深四寸口徑五寸一分底徑三寸三分三足高一寸三分兩耳爲犧形 繪藻紋次回紋腹貝紋蓋高二寸二分頂有三分高一寸飾以雲紋足紋同  
 簠 范銅爲之通高四寸六分深二寸一分 縱六寸四分橫八寸底縱五寸一分橫六寸四分面爲夔龍紋束爲回紋足爲雲紋兩耳附以夔龍蓋高一寸四分口縱橫與器同上  
 有稜四周縱四寸一分橫六寸四分亦附以夔龍耳

簋 范銅爲之通高四寸二分深二寸一分口徑七寸二分底徑六寸口爲回紋腹雲紋束

黻紋足星雲紋兩耳附以夔鳳蓋高一寸八分徑與口同面雲紋口回紋上有稜四出高一寸一分

簋 編竹爲之以絹飾裏頂及緣皆髹以漆紅色通高五寸四分深八分口徑四寸六分足徑四寸蓋高一寸九分徑與口同頂正圓高四分

豆 範銅爲之通高五寸五分深二寸口徑四寸九分校圍二寸足經四寸七分腹爲垂雲回紋校爲波紋金鈸紋足爲黻紋蓋高二寸二分徑與口同爲波紋回紋頂爲絢紐高二分

篚 編竹爲之四周髹以漆丹飾高五寸縱五寸橫二尺二寸五分足高一寸蓋高一寸七寸 俎木爲之髹以丹正位俎中區爲三錫裏外銅環四足八有跗蹤六尺有奇橫三尺二寸通高二尺六寸有奇配位俎中區爲二錫裏加蓋外左右各銅環二足六有跗蹤三尺九寸橫二尺八寸通高二尺七寸有奇

尊 範銅爲之通高八寸六分口徑五寸一分腹圍二尺四寸底徑四寸六分足高二分兩

## 固安縣志

### 卷一地理志

建置

一六

耳爲犧首形

祝版 木爲之高九寸廣一尺二寸外黝中質髹以朱漆祝文墨書白紙黃緣別有小几通高七寸五分廣四寸五分長九寸五分

祝版案 木爲之髹以朱高二尺六寸廣二尺二寸長三尺三寸饌桌之制如之

酒尊桌 木爲之高二尺七寸廣二尺二寸長六尺二寸面鑿孔以置尊孔如尊數

鐙 範銅爲之或以錫或以鐵或以木重臺三足高下視燭大小凡五等紋飾惟宜或用素質

香鑪 範銅爲之圓形中束通高三尺耳高一尺二寸口高二寸腹高一尺二寸足高一尺三寸口圍五尺六寸腹圍七尺足圍九寸素質無文

舞器

節 二結旒爲之朱杠長七尺二寸九分圍三寸二分七厘上曲爲塗金龍首長九寸七分二厘銜旒九重各六寸四分八厘蓋以金葉束以綠皮繫長五寸七分六厘綉長七寸二

分九厘司樂執以居前

羽 三十六木柄植雉羽長二尺九寸一分六厘銜以塗金龍首四寸八分六厘柄髻朱長一尺九寸四分四厘圍九分七厘執以右手

籥 三十六截竹為之長一尺七寸五分一厘徑四分六厘八毫六孔髻朱執以左手

樂章

迎神 奏昭平之章 無舞

大哉孔子先覺先知與天地參萬世之師祥徵麟紘韻答金絲日月既揭乾坤清夷

初獻 奏宣平之章 舞羽籥之舞

予懷明德玉振金聲生民未有展也大成俎豆千古春秋上丁清酒既載其香始升

亞獻 奏秩平之章 舞羽籥之舞

式禮莫愆升堂再獻響協鼓鏞誠孚壘甌肅肅雍雍譽髦斯彥禮陶樂淑相觀而善

終獻 奏叙平之章 舞羽籥之舞

固安縣志

卷一地理志

建置

一七

自古在昔先民有作皮弁祭菜於論思樂惟天牖民惟聖時若彝倫攸叙至今木鐸

徹饌 奏懿平之章 無舞

先師有言祭則受福四海鬯宮疇敢不肅禮成告徹毋疏毋瀆樂所自生中原有菽

送神 奏德平之章 無舞

鳧繹我我洙泗洋洋景行行止流澤無疆聿昭祀事祀事孔明化我烝民育我膠庠

文廟祝文

惟先師德隆千聖道冠百王揭日月以常行自生民所未有屬文教昌明之會正禮和樂

節之時辟雍鐘鼓咸恪薦於馨香泮水膠庠益致嚴於籩豆茲當 春秋 仲祗率彝章肅展微

忱聿昭祀典以復聖顏子宗聖曾子述聖子思子亞聖孟子配尚饗

崇聖祠祝文

惟王奕葉鍾祥光開聖緒盛德之後積久彌昌凡聲教所覃敷率循源而溯本宜肅明禋

之典用申守土之忱茲屆 春秋 聿修祀事配以先賢顏氏先賢曾氏先賢孔氏先賢孟孫

氏尙饗

碑匾

大成殿匾額

萬世師表 康熙二十三年

生民未有 雍正四年

與天地參 乾隆二年

聖集大成 嘉慶二年

聖協時中 道光元年

德齊幬載 咸豐元年

神聖天縱 同治元年

斯文在茲 光緒元年

中和位育 宣統元年

固安縣志

卷一地理志

建置

二八

文廟碑記

元

初建學院講堂碑記

大德九年六月碑存文見金石

明

科貢題名碑

正德十六年八月今無

重修廟學記

隆慶三年五月碑無文見金石

新置學田記

萬曆二十三年七月碑無文見金石

重修學宮記

萬曆二十八年碑無文見金石

改修儒學記

萬曆四十六年碑存文無

重修廟學記

崇禎十五年碑無文見金石

清

明倫堂臥碑

順治九年今無

勅建忠義孝義祠碑 雍正八年今無

重建尊經閣記 雍正九年今無

建置文廟祭器碑記 雍正十一年四月碑存文無

重修文廟碑記 乾隆九年碑存文無

重建忠義節孝祠碑記 乾隆四十六年今無

重修學宮明倫堂碑記 道光二十八年六月碑存文見金石

重修文廟記 光緒八年八月碑存文見金石

重修文昌閣奎星樓碑 光緒三十二年十一月碑存文無

### 學制

古者上自京都下至鄉里皆設學而責有專司清制縣設教諭與訓導掌一縣之學風教諭爲正官訓導則副也其名稱爲清沿明制在元曰學正在漢唐曰博士俗稱教諭爲儒學正堂訓導爲儒學副堂又統稱爲教官或學官亦稱儒學凡縣內文武生員皆隸屬之

## 固安縣志

### 卷一地理志

建置

一九

學額 文童額進十八名廩生二十名增生二十名二年一貢武童額進十五名

按舊制選拔人才悉從科舉每二年舉行一次遇皇帝有慶典則例外有恩科科舉第一步爲小考其未經小考之讀書人與考而未仲者普通皆名曰文章其習武者爲武童取仲者爲附生亦曰庠生蓋取古庠校意也俗名曰進學蓋此時始爲入學也又曰秀才蓋沿漢茂才遺意也又曰生員則廩增附三者之統稱也小考每次取額因縣之大小有定制文章取仲後每三年仍須考試謂之歲考經過歲考者始得爲增廩又取品學兼優者爲廩生廩生出缺由增生依考試名次先後遞補之故俗稱曰補廩每遇小考衆士子必須廩生作保證始得應試昭慎重也武童應試亦由廩生作保證其所試科目除弓刀石外亦試文學則屬兵書之類蓋文武並重取全材也惟因習武者多不諳文學故每倩文人代筆然此皆限小考言若出貢或鄉試中式則脫離儒學管轄範圍矣

貢生有五曰拔優副恩歲惟拔優副二者皆出自考試而歲貢則不須考試每二年例

由廩生儘先遞出之恩貢即歲貢蓋遇皇恩則歲貢多出一人耳以本年當然之歲貢爲恩貢其次貢則爲歲貢又因係廩生所補故又俗名爲廩貢生

### 書院

猶龍書院 爲我縣書院見於舊志之最早者地址在舊縣署東長眞觀惟僅誌其名未詳其實爲始創爲中興更無可攷蓋其圯廢久矣

方城書院 位於縣城西門內原爲官房一所加以開拓建自咸豐八年知縣李公瀛僉兩度蒞任創始觀成辛勤締造永定河道憲捐廉更兼勸募置產二十八頃餘

見書院碑記  
文見金石

所得租息以爲束脩膏火獎勵之資沿河八州縣同來受教一時文風不振蔚然大觀競業相承者垂四十餘年庚子亂後政治革新院址改設高等小學堂原有田產即移作教育基金矣

學田 學田之置肇始於明萬歷二十二年知縣李公伯華查取逃戶遺田歸之學宮以充

寒土膏火計田四百畝

見新置學田  
記文見金石

滿清入關皆被旗圈佔領惟按圈佔民田例爲旗產

## 固安縣志

### 卷一地理志

建置

三

民業而此項學田被圈後是否仍歸學宮所有及如何處置舊志未載無可攷矣

### 義學

在昔右文敦俗人貴知書而負版屠沽不無英俊有志向上者或爲境遇所累每歎駿骨牽鹽長材廢棄於是司文柄者或好義之士創設義學不納膂脯激勵寒微意至善也無如倡端甚盛繼功却難今已無存矣茲將舊志所載義學處所仍附錄之以資觀感

北關一所

柳泉村一所

馬莊一所

知子營一所

牛塌一所

即今牛駝鎮

以上五所皆康熙五十四年建

周家務一所 以佛寺禪院爲學舍香火地七十畝爲公費咸豐五年村民張照亭稟請設

立

文昌廟前一所 見書院碑記

禮儀

賓興

大比之年先試期一月正官擇吉啟請應試諸生屆期公堂設宴架彩轎於中門外諸生至正官出迎揖讓升堂正官主席學官及僚佐與焉宴畢諸生簪花披紅餞升彩橋鼓樂送行

送學

送學儀節至日新進各童生到齊知縣典史俱吉服禮生唱各童生上堂行庭參禮免更公服上堂行四拜禮受兩拜諸生退班序立飲酒三巡畢諸生自披花紅由儀門先行知縣同典史至文廟率諸生行三跪九叩禮隨赴明倫堂更衣知縣各官就主位東向立請儒學就賓位西向立行四拜禮儒學趨就主位東向讓知縣各官就賓位西向行四拜禮知縣命諸生謁師行四拜禮儒學遂命諸生謝知縣行四拜知縣儒學皆答揖諸生謝典史典史答禮

固安縣志

卷一地理志

建置

三二

畢諸生先出學門外候送知縣各官回署

鄉飲

清順治元年定鄉飲酒禮頒行天下每歲於正月十五日十月初一日舉行設賓介主人衆賓之席縣以知縣爲主人以教職爲司正擇鄉里年高有德者爲大賓以次長爲介賓三賓以賓之次者爲之衆賓無定額贊禮讀法以生員爲之以申明朝廷之法敦序長幼之節二年又定鄉飲酒律令曰凡鄉飲酒序長幼論賢良高年有德者居上其次序齒列坐有過犯者不得干與違者罪以違制失儀則揚觶者以禮責之乾隆十八年議准定例於正月十月舉行二次其實介之數據會典所載鄉飲酒圖有大賓介賓一賓二賓三賓衆賓與大僕一僕二僕三僕之名先期訪紳士之年高德劭者一人爲賓次爲介又次爲衆賓其本地有仕至顯官偶居鄉里願來觀禮者爲僕賓其一僕二僕三僕或不備不必限定二十五年議准嗣後鄉飲屆期務擇年齒品行允孚衆望之人仍照定例舉行如實在不得其人卽行停止

附鄉飲禮節

每屆鄉飲酒期於儒學舉行以知縣爲主人位東南北面以致仕家居官齒德兼優或未仕而年高有德者爲大賓位西北南面以已仕在籍或仕紳士有年德者一二人爲僎賓位東北南面以次長爲介賓位西南北面其次爲三賓位在大賓以下皆南面次爲衆賓凡本邑紳士品行端方年五十以上者皆得與位正西東面北上無定額不得其人則缺之以教官爲司正位在主人之東亦北面闔邑僚屬位正東皆西面北上贊禮者六人以生員爲之通贊二引贊四司觶者二人讀律者一人讀誥者一人皆以生員爲之執事者十二人以侑生爲之先一日設坐次於庠之講堂設律令案於堂東司正官率職事諸生習儀設樂部於西階下至日質明主人率執屬及執事主均詣學迺速賓賓介既至考鐘伐鼓主人出迎於庠門外揖賓介入衆賓從入三揖至於階三讓迺升主人東階上北面再拜賓介西階上北面答再拜主人揖賓介就位三賓衆賓就位坐定贊者贊司正揚觶以下行禮均贊唱司正由西階升詣堂中北面立賓主以下皆立司正揖衆皆揖司爵酌酒於觶授司正司正揚觶而語曰恭惟朝廷率由舊章敦崇禮教舉行鄉飲非爲飲食凡我

## 固安縣志

### 卷一地理志

建置

三三二

長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生迺畢飲以觶授司爵揖賓主以下者揖司正退衆皆坐執事者舉律令案於堂中生員讀律令者詣案前北面坐揖讀曰鄉飲之設所以尊高年尚有德興禮讓敢有誼譁失禮者許揚觶者以禮責之其或因而爭兢賓主席之人會衆罪之讀畢揖退執事以律令退捧大誥設於前案生員讀誥者詣案前北面立如前揖讀曰鄉飲酒禮叙長幼論賢良別奸頑異罪人高年有德者居上高年淳篤者並以坐次序齒而列其有曾違條犯法者不許干與賢良之席違者罪以違制讀畢揖退贊者唱供饌案執事者舉饌案至賓前次僎次介次主以次舉訖主人起獻賓席前北面立司爵者酌酒授主人主人授爵詣賓起酢主人席前退揖賓答揖次獻僎次獻介均如前儀訖復位賓起酢主人席前東面立司爵酌酒授賓賓受爵詣主人位尊爵於席儀如前賓復位司爵酌酒獻三賓及衆賓又獻僚屬徧各就位贊飲酒供湯饌歌作樂酒行歌童歌鹿鳴之首章再行歌南山之首章三行歌湛露之首章

每酒一行  
供湯一次

畢贊唱徹饌主賓以下皆起仍東西立贊唱賓謝主人

賓主皆兩拜畢下堂東北面望闕謝恩行三跪九叩禮主賓復揖分東西行仍三揖出屏門而退



講約法

## 固安縣志

### 卷一地理志

建置

三三

禮部則例凡直省府州縣鄉村巨堡設立講約處所揀選老成者一人以為約正再擇樸實謹守者三四人以為值月每月朔望齊集耆老人等宣讀聖諭廣訓及欽定律條務令明白講解家喻戶曉該州縣教官仍不時巡行宣導如地方官奉行不力者督撫查參清順治九年頒行六諭於各直省

- 一 孝順父母
- 一 尊敬長上
- 一 和睦鄉里
- 一 教訓子孫
- 一 各安生理
- 一 母作非為

十六年議准設立鄉約申明六諭原以開導愚民從前履行申飭恐有司視為故事應嚴行各直省地方牧民官與父老子弟實行講究其鄉約正副不應以土豪僕隸奸胥蠹役充數應會合鄉人公舉六十以上行履無過德業素著之生員統攝若無生員即以素有德望六七十歲以上平民統攝每遇朔望申明六諭並旌別善惡實行登簿註冊使之共相鼓舞康熙九年頒發聖諭十六條

- 一 敦孝悌以重人倫
- 一 篤宗族以昭雍睦

- 一和鄉黨以息爭訟
- 一重農桑以足衣食
- 一尚節儉以足財用
- 一隆學校以端士習
- 一黜異端以崇正學
- 一讀法律以儆愚頑
- 一明禮讓以厚風俗
- 一務本業以定民志
- 一訓子弟以禁非爲
- 一息誣告以全善良
- 一戒窩逃以免株連
- 一完錢糧以省催科
- 一聯保甲以弭盜賊
- 一解讐忿以重身命

雍正二年頒發聖諭廣訓萬言吏部行文各省督撫令教授教諭訓導等官遴選生員中有品行文學者句詮字解闡發宣講俾兵民人等入耳會心翕然不變毋得以鄉約耆老輩偶爾談說虛應故事乾隆二十二年議准各直省督撫轉飭所屬州縣嗣宣講聖諭必須實力奉行除每月朔望二次宣講外或於聽訟之餘以及公出之便隨時隨事加以提命不妨以土音諺語敬謹詮解明白宣示俾知奉公守法倘仍有奸民斂錢賽會私立淫祠等弊即嚴行查拿按律治罪

## 固安縣志

### 卷一地理志

建置

三四

#### 儀節

每月朔望清晨於本城空闊處爲講所上供聖諭牌香案旁設講案正官率僚屬紳衿里民齊集講所選老成生員宣講贊唱排班跪叩如式向案開講衆官坐班紳衿里民俱恭肅聽受併頒發鄉約全書於各鄉堡齊集居民在約所逐條講解并讀律令

#### 倉廩

倉廩諸粟原以備荒均其歉豐平其糴糶利濟斯民至爲善舉肇始於漢歷代相沿未嘗或廢雖名義規章時有不同而旨趣則一也我固置倉舊志所載斷自康熙以前無可攷矣其辦理情形成績效果亦闕焉未詳降至民國幾曾興舉旋即廢輟茲將舊有倉名坐落附錄於後以資參攷儲備中倉雖屬永定河管理然亦義舉也茲併附之

常平倉 共四座房各五間原在舊縣署儀門外二座又在縣署東二座俱康熙間知縣鄭善述所建皆久圯後移北大街東南向房三間咸豐三年知縣吳燾重修至民國初年圯

義倉 共六所一所在舊縣署西房二間久廢又五所分設知子營大沙堡康家務公由北十里舖五村俱乾隆十年建詳見畿輔義倉圖久廢

積谷 民國七年奉令興辦因舊倉不堪用遂分區貯存每區設倉正倉副各一人董其事毫無成績漸即廢弛倉無定所更無跡可尋矣

儲備中倉 在縣城內北大街路東東向房四間屬永定河河務局攷永定河儲備倉碑記云河局置倉創始於光緒二十三年倉址在西關惠濟廟並未言有分倉則所記非本倉可知然本倉建置年月雖不可攷而父老傳聞由來已久其早在樹碑建倉之前則無疑義再攷碑記又載上年賑餘尚存捐谷若干石可知河局捐穀備賑之例必所常有既云此年有餘存則例年餘存亦或嘗有惟河不常決則穀不常捐是則此倉之設原以儲存臨時賑餘有倉之名而非正式建倉也今房舍尚存惟虛設耳

壇廟

文廟關係教育與普通廟宇不同故附入學宮以資攷証而瞻古典至壇廟寺觀則一概列

固安縣志

卷一地理志

建置

三五

入本表以城內及四關者先之四鄉則分區次之

名稱	村別	附記	名稱	村別	附記
社稷壇	北關	明洪武元年建初爲分祀右社左稷後同壇合祭久廢	關帝廟	南關	明萬歷清咸豐皆有重修
風雲雷雨山川城隍壇	南關	清順治初年建始共爲一壇後奏准分設神位久廢	關帝廟	北關	明萬歷重修清順治建戲樓乾隆道光民國皆重修
長真觀	城內東北隅	久圯	東惠濟廟	東關	永定河神廟
關帝廟	城內西街	金明昌間建歷經修葺之	西惠濟廟	西關	永定河神廟明萬歷清雍正皆重修之
城隍廟	城內西北隅	城隍神像銅質	三佛寺	城內西街	明正統間建稱觀音寺弘治重修
普濟菴	在城隍廟西	清道光間建民國四年縣人李維藩募化重修	獄神祠	在城內舊獄署	久圯
呂祖祠	在普濟菴後	清光緒十五年建殿前照壁有蓬萊仙境四鉅字	土地祠	在舊署儀門左	已圯
八蜡廟	在城隍廟西	久圯	李公祠	城內西街	清光緒八年永定河道署及沿河八州縣建
火神廟	在城隍廟東	久圯	邑厲壇	北關	明洪武間建久廢
馬神廟	城內東街	清道光二十一年始修於路北民國二十九年移修於路南	藥王廟	北關	明萬歷間建

觀音寺	永慶寺	龍興寺	報國寺	興壽寺	開泰寺	洪恩寺	天仙宮	三官廟	崇寧寺	關帝廟	千佛寺	固安縣志	崇勝寺	河神廟	將軍廟	龍王廟	以前城內四關	白衣菴	菩薩廟	瘟神廟	千佛菴	東嶽聖母宮	東嶽廟	北嶽廟
柳泉	沙袋村	北房上	袁翟村	閻村	東洋屯	東唐洋村	閻村	後無為村	小沙袋	南房上	唐洋村	卷一地理志	大王村	南四渡口	南四渡口	南四渡口		西關	南關	南關	南關	東關	東關	北關
久圪							有塔又宮西數十武有天齊廟民國十六年燬	清乾隆間重修	清康熙間重修	明崇禎間重修	明嘉靖間重修	建置	遼大安間建						明萬歷間建清嘉慶重修民國初改為學校今圪		清康熙間重修	明萬歷間榮昌公主募建有千佛蓮座菴久圪	元至元十年建明弘治萬歷清嘉慶間重修	按陸稼書謂即真武也
興圓寺	觀音寺	觀音寺	玉清寺	福嚴寺	崇興寺	三元禪林	關帝廟	靈覺寺	龍王廟	以前第二區	觀音寺	以前第一區	禪林寺	華嚴寺	施尼菴	觀音菴	崇興寺	琉璃寺	廣禪寺	觀音寺	三官祠	彌陀寺		
焦村	荊堡	彭村	張村	雀台寺	朱村	吉城	大辛莊	北程村	孫家莊		淮安	白村	留村	魏村	相各莊	西玉	留村	官莊	祖家場	朱各莊	十里舖	魏村		
村寺均久圪					清乾隆間重修	清康熙間重修	明崇禎間重修	明崇禎間重修			久圪									清道光重修		明萬歷重修	元中統間建	
												三六												

慶壽寺	長真觀	龍泉寺	藥王廟	三官廟	三官廟	以前第五區	華嚴寺	白衣菴	興隆寺	廣延寺	洪壽寺	固安縣志	關帝廟	觀音寺	三官廟	落伽寺	弘教寺	東嶽廟	三官廟	城隍廟	文昌廟	以前第二區	眞武廟	波若菴
王馬	北黃袋	禮讓店	禮讓店	渠溝鎮	南小營		梁家莊	崔家營	小宋村	東內	西紅寺		前龐家務	後龐家務	龐家務	牛駝鎮	牛駝鎮	牛駝鎮	牛駝鎮	牛駝鎮	牛駝鎮		牛駝鎮	後營村
							久圯	清道光重修	久圯				清光緒間重修			清康熙間重修	明崇禎間重修				清乾隆間重修	明嘉靖間建		
三義廟	崇興寺	石佛閣	聖中廟	北嶽廟	藥王廟	以前第六區	興國寺	清涼寺	大覺寺	石經寺	龍泉寺	建置	觀音寺	藥王廟	藥王廟	以前第四區	華嚴寺	地藏寺	藥王廟	洪仁寺	香林寺	慧峰寺	三皇廟	藥王廟
蠻莊	蒲落袋	蒲落袋	馬莊	馬莊	馬莊		南黃袋	賈各莊	褚林	褚林	王馬		北趙各莊	曹家營	東紅寺		琉璃	孟江	尚各莊	郭村	林城	林城	化家營	化家營
		民國二十八年圯					明正德間建		明弘治間重修							明天啟三年建清同治四年民國二十四年三十一年重修			明萬曆間重修		遼大安間建明崇禎間重修	明萬曆清光緒間重修		
											三七													

卷一地理志

萬泉寺	南鋪頭		藥王廟	中公由	清道光咸豐間重修
萬壽寺	柳林莊	民國二十八年圯	香林寺	中公由	清乾隆間兩次置地
天橋寺	獨流	明嘉靖三十年清光緒七年重修	關帝廟	東蘆莊	清雍正乾隆嘉慶道光間皆有重修
大善寺	桃園		靈覺寺	北村	
石佛菴	圈頭		興福寺	北村	
以前第七區			香川寺	門村	
大師塔	東徐	遼天慶間建	福安寺	門村	
華嚴寺	東徐		延福寺	馬村	
華嚴菴	西徐		興福寺	南公由	明隆慶六年清光緒六年重修
觀音大士菴	中公由	清康熙間重修	寶慶寺	北公由	
三義廟	中公由	清乾隆間重修	關帝廟	宮村	
太山行宮	中公由	清康熙間重修	興教寺	宮村	
固安縣志			建置		
卷一地理志			三八		
藥王廟	宮村		龍泉寺	南固城	
永慶寺	楊村		延壽寺	義尚	
龍泉寺	崗頭		以前第九區		
普濟菴	楊先務		北嶽廟	知子營	明萬曆間重修
觀音寺	南趙		藥王廟	知子營	明萬曆間重修
以前第八區			龍泉寺	知子營	遼統和六年建
彌陀寺	蘇家橋	清道光間重修	興福寺	知子營	
關帝廟	蘇家橋	清嘉慶咸豐間重修	法華寺	白垩	遼重熙重修
雲居寺	北相		河神廟	太平莊	清康熙間重修
雲林寺	北固城		隆興寺	孫部	
白衣菴	北固城	明崇禎間建清乾隆年重修	慶元寺	辛務	元皇慶元年重修
圓覺寺	南相		洪化寺	河津	

甯國寺

孝城

關帝廟

南張華

清康熙間重修

以前第十區

石佛寺

石佛寺

清康熙間建

皈依寺

黑堡

以前第十一區

坊表

明

顯祐坊

在城隍廟東巷口

激揚坊

在東察院西巷口

育賢坊

在泮宮門外

登雲坊進士坊畫錦坊大司馬坊宮保坊

俱為王府建

世科坊

為王瑁建

文英坊進士坊少司空坊

俱為劉永建

振耀坊

為王欽建

### 固安縣志

### 卷一地理志

建置

三九

世進士坊 為王欽王繼芳父子建

蜚英坊進士坊 俱為劉泰建

集英坊 為王燧建

步蟾坊 為楊和建

鳴鳳坊 為段補之建

掇桂坊 為張志建

一耀龍門坊 為王和建

騰蛟坊 為張宗舊作崇誤德建

解元坊翰林坊 俱為楊維聰建

狀元及第及第二字今補坊 在城內北大街路西為楊維聰建今存

鄉貢坊榜眼坊 俱為楊維傑建

亞魁坊 為楊維誠建

梯雲坊 爲劉元善建

鄉貢坊進士坊 俱爲王松建

進士坊 爲曹濡建

經魁坊都憲坊 俱爲蘇志臯建

恩榮坊 爲南京刑科給事中張永建

諫議坊 爲張思誠建

恩榮坊 爲工部主事段進建

進士坊 爲段鍊建

攀桂坊 爲牛盛建

飛黃坊 爲孫子賢建

天衢坊 爲劉傑建

文魁坊 爲韓春建

### 固安縣志

### 卷一地理志

建置

四

翽霄坊進士坊豸史坊 俱爲李鸞建

一鶚橫秋坊 張桓舊作恒誤建

誥封坊 爲禮部郎中王相建

科第傳芳坊進士坊 俱爲王煒建

文魁坊 爲龐標建

賓薦坊 爲牛應龍建

青雲坊 爲梁相建

起鳳坊 在栢村爲辛志清建

雲漢坊 在彭村爲李達建

恩誥坊 爲何其智建

進士坊柱史坊 俱爲傅好禮建

龍章舊作覃恩今據原坊補正奕世坊 在城內北大街街心爲郭光復建今存

貞節坊 爲陳睿妻張氏建嘉靖辛酉孫啟蒙重修  
貞節坊 爲李順妻馬氏建

按舊志明坊六十餘迄今僅存楊維聰狀元及第及郭光復龍章奕世兩坊餘不可考又咸豐陳志缺辛志清起鳳坊今據康熙殘本陳志補

清

節烈坊 在柳林莊爲王萬榮妻程氏建

節烈坊 在北莊爲張自友妻李氏建

貞節坊 在負郭里爲生員卜雍妻劉氏建

節孝坊 在梁家莊爲王吉然妻李氏建

鳳誥揚清坊 在渠溝爲王學博妻林氏建

冰清玉潔坊 在南關爲小楊先務姚玉麟妻李氏建

獨爲其難坊 在獨流村爲劉燾妻蕭氏建

### 固安縣志

#### 卷一地理志

建置

四一

松勁蘭芬坊 在柳泉新街爲杲成妻王氏建

澄清坊 在沈家小營爲沈桂林妻張氏建

節孝坊 在東紅寺爲孫光前妻趙氏建

節孝坊 在東禮村爲王俊妻李氏建

旌表節孝坊 在蔡家村爲田趙氏建

貞烈節孝坊 在李洪莊爲馮貞女建

雙節坊 在西唐洋村爲張應春妻史氏暨子克昌妻滑氏建

節孝可風坊 在吉城村爲郭嚴妻子氏建

民國

席草流芳坊 在吉城村爲郭慶齡妻樊氏建

抱淑完貞坊 在蘇家橋爲李桂春妻馬氏建

節孝可風坊 在畢家莊爲畢 妻 氏建

塚墓

周

望諸君墓 順天府志樂毅墓在良鄉縣南二里地大數畝高丈餘題曰望諸君墓舊志云在縣西北三十里許與良鄰交界有碑刻望諸君之墓五字

按右墓境內不可攷良鄉志城東南有望諸君墓民國十年重修舊志云在縣境界不知何所依據

孫贖墓 在方城村東南一里許有石門舊志

按縣西南方城村古方城縣地東南里許確有古墓一所其葬法與普通墳墓不同四角皆

有穴但無碑刻可攷又城西南二十五里孫家莊村多孫姓村南孫氏先塋碑記云溯其由來知其始祖非他乃孫贖也想係孫贖後裔移居該村然年代遼遠世系雖不可

攷而仍為縣中巨族今旅長孫耀齊即其族中之卓卓者又天下金石志吳橋縣有孫

贖墓京畿金石考孫贖墓碑在房山縣府志康熙年知縣羅在公得墓誌知在房山者為唐將軍孫士林墓非贖墓也孫贖史

### 固安縣志

#### 卷一地理志

建置

四二

續光耀簡冊後世各地置碑設墓用資矜式在所難免未可俱以為非耶

唐

楊總管墓 在知子營正南一里許舊志

邊丞相墓 在知子營東一里許舊志

金

張君墓 在押堤村西北一里許有石刻云明昌二年故贈儒林郎清河張君之墓見有石

人石獸相傳白扇馬臺中掘舊志出舊志

按京畿金石攷金贈儒林郎張君墓志明昌二年立在固安縣押敵村我縣舊志創修於明嘉靖四十四年距明昌二年三百餘年此時墓內石人石獸當有存者不然舊志何以著錄見有石人石獸數字迄今又數百年矣沙淤土屯實不可攷

轉運使輔國蕭公墓 在魏村西五里不知何代人舊志

元

虎丞相墓 在西玉村北半里許舊有石龜石獸今不存舊志

耿總兵墓 在駝頭村西南半里許舊志

元故武略將軍大都路總管府判官宋侯墓 在駝頭村西南半里許石刻云至正十四年

立石翰林學士承旨歐陽光書今石門俱存舊志

按舊志宋侯墓與耿總兵墓混而為一則耿總兵墓前石刻宋侯官銜殊不可解以兩

墓同在一方向則可若於耿公墓前刻宋侯銜階則於理不符又京畿金石攷元大都

路總管府判官宋侯墓志歐陽光書至正十四年立在固安縣陀頭村亦未言及耿總

兵墓今析為二以資識別現在二墓俱不存

宣使張士遠墓 在唐陽村舊志

明

鄉賢張素墓 在唐楊村宣使墓傍舊志

按以上二墓在西唐楊村村東墓碑被湮沒石門頂尚存

### 固安縣志

### 卷一地理志

建置

四三

贈尚書王騏墓 在豐樂門即縣西門西里許舊志

太子太保莊簡公王復墓 在贈尚書騏墓傍舊志

按莊簡公墓內舊有享堂石器石碑石香案等因迭經河淤渺不可尋現在僅存褒贈

及諭祭碑文七文見文獻志十一 王氏祖塋記一文見文獻志二十 及墓門左右鐫刻修建先塋記等

餘均埋沒土中無從考稽

明王采修建先塋記云王氏之先隆慶世族洪武初有諱得玉者避地至固安遂占籍子孫因家焉即始祖也隱德弗耀累贈至工部尚書妣劉氏累贈至夫人既卒始卜兆域於城邑之西此先塋之所由建也生伯祖諱馴字乘善今之致仕主簿棟楫驛丞標巡檢朴知府松鑄印局副使梯生員樺參政煒判官炯驛丞烜炤生員忻監生焯乃其嗣也次諱驥字乘常乏嗣次諱驥字乘彝今之生員棊百戶炳乃其嗣也次高祖諱騏字乘良由生員守城有功授縣主簿歷官至裕州同知掌舞陽縣事累贈至工部尚書妣楊氏繼許氏俱累贈至夫人今之百戶鵠生員楊柯乃其嗣也景泰甲戌冬十月許夫人卒勅賜祭葬此先塋之所由修也曾祖諱復乃舞陽公之仲子由正統壬戌進士初授刑科給事中歷任至太子少保工部尚書成化乙巳夏六月卒贈太子太保謚莊簡奉勅祭葬都城迤西玉河鄉尺水村之原正德丙寅夏四月曾祖妣夫人齊氏卒奏蒙勅賜祭葬正德丙子春三月祖運司副使諱瑄者乃莊簡公之適子因祭掃不便奏准遷葬祖塋之右此先塋之所以重修也嘉靖庚寅春河決蘆溝下流墳塚湮沒棟等糾諸宗族用工葺治視昔尤加焉此先塋之所以再重修也今嘉靖甲辰春二月棟等因連年河水淤墊致將誥勅碑碣祠堂石器半委泥沙用是為懼爰督族屬亟為經營

輪奐聿新規模宏大不惟壯觀一時而且可期水固此先塋之所以再重修也茲工落成矣僉謂采爲莊簡之適嗣頗知其概宜爲記辭不獲已敬述其建立節修之大畧爲後裔告且以紀歲時云致仕縣主簿元孫諱采頓首謹記嘉靖二十五年歲次丙午季夏吉日致仕縣主簿棟知府松立石修墳督工栽培樹木元孫楠垣沐沐手記

明王允中重修先塋記云先塋舊有享堂蓋先太保遺慶也嘉靖癸丑歲爲河水傾圯歷三十餘年未能重修煨一旦倏然有敬即兄焯告曰享堂木植尙存特歎工費耳及令易之以榆柳猶或可成不爾則後必淪沒無存矣焯深以爲然即與煨糾同宗族爐燼等擇日命工築基於故址效勞於朝夕踰月告成爰命不肖爲記竊惟塋之有堂惟上大夫得爲之所以重龍錫昭萃渙足稱盛美家世自始祖贈尚書族衆皆其後裔諸系已詳於建修塋記矣惟先太保歷躋顯位源遠流長故世傳詩禮衣冠後先輝映茲堂之鼎新豈徒爲觀美計哉歲時展謁統於斯牲宰器具陳於斯協和敦陸議於斯由斯思報國感恩念祖德相翼勸勉世世宗祀世世和好庶不負名家之裔重修之義云爾若先太保之履履勳業則國有史家有乘天下有聞茲不贅萬歷十八年夏四月吉日致仕知縣元孫允中薰沐記致仕經歷元孫焯邑庠增廣生煨兼修立石

清王友邦重修先塋記云固邑先塋自萬歷迄於今二百餘年矣其間重修者二次先是乾隆二十年四月內曾祖諱璉者命諱元勳祖監工重修後於乾隆四十二年三月間大伯父千總諱培基二伯父都司諱建基並先父武庠諱懋基之子定邦補弟子員不肖父諱培基之子殿邦係己酉拔貢不幸早亡二伯父諱建基之子定邦補弟子員不肖友邦與亡弟治邦捐職從九弟興邦皆諱懋基之所生不肖與定邦諸弟雖皆未能上達增其式廓以爲前人光抑不忍泐諸石者復歸湮沒並樹木墻垣重加修整冀告無罪於先人已耳嘉慶十九年歲次甲戌五月吉旦不肖友邦重修

都御史淡成墓

在莊簡公墓前

舊志

## 固安縣志

### 卷一地理志

建置

四四

都御史蘇志臯墓

在莊簡公墓右

舊志

侍郎劉永墓

在莊簡墓東北半里許

舊志

鄉賢楊和墓

在孫郭村東南

舊志

太僕寺卿狀元楊維聰墓

在孫郭村

舊志

翰林院侍讀榜眼楊維傑墓

在孫郭村

舊志

按以上三墓在城東北大孫郭村村西俗稱楊狀元墳向有石香案及石人石馬石羊石表等因歲久沙淤多埋土中迄今只存明貽贈南京光祿寺卿楊維聰祖名爲大中大夫光祿寺卿祖母王氏爲淑人碑一碑陰刻賜進士及第大中大夫太僕寺卿前翰林院國史修撰左春坊左中允經筵講官孝孫楊維聰曾孫楊文禕文禕文神文禕文禕文稱玄孫楊宗學成學宸學宮學耳孫楊紹序紹庚嘉靖乙丑秋吉日立又明勅封制勅房辦事中書舍人楊文裕爲徵仕郎妻王氏總室鄧氏爲孺人碑一餘不存

工部主事段鍊墓

在劉家園村西有石門一誥贈碑一

刑部主事段鍾墓 在祖家場村東南有誥贈碑二見文獻志

勅建駙馬都尉封翁楊繼墓 在孝感村今大辛莊東半里許舊志

駙馬都尉楊春元墓 在城西大辛莊舊志

按以上二墓在城西大辛莊村東南半里許俗稱楊駙馬墳石香案及石人石馬石

猴石羊石表等俱存諭祭南城兵馬司副指揮楊繼碑一文見文獻志十五誥誠駙馬都尉

和榮昌公主碑二文見文獻志十五其餘各碑或僅載世系或只書生卒年月重修先塋碑

記在墓門內右側字多磨滅無從著錄又明固安縣大辛莊楊氏祖德碑銘賜進士

出身禮部儀制清吏司主事句章劉憲寵撰見楊氏族譜及文獻志二十又墓前一

里許舊有一村名曰焦村自楊氏建塋後該村日漸衰落清末尚有古鐘矗立曠野

今則盡成瓦礫荒邱矣相傳為楊駙馬墳內蛟龍嚼去焦嚼同音此種神話不敢信

其必有然亦未敢斷其絕無也數百年間父老傳聞不忍割捨姑妄存之而已

都御史高澄墓舊志

### 固安縣志

#### 卷一地理志

建置

四五

按右墓在方城村東北有誥贈碑二明大學士高拱撰都察院右副都御史東玉舊志

肅卿別號東玉高公墓誌銘見明高拱文襄公集及文獻志二十一

都御史介穆公張允濟墓 在縣北舊志

贈太常前掌河南道御史傅好禮墓 在知子營舊志

按右墓在知子營村東一里許有戶部尚書睢陽門生李汝華撰賜進士第太常寺

少卿約齋傅公墓碑一文見文獻志二十

都御史特贈兵部侍郎郭光復墓 在清河西半里許舊志

副使馮繼芳墓 在梁家莊舊志

臨江知府張承叙墓 不詳舊志

太僕張思誠墓 不詳舊志

杭州司馬李天祥 在南房上村東南舊志南作北

柘城知縣于進善墓 不詳舊志

內黃教諭李時康墓 在東關祖家場西

舊志

茂州知州祖志伊墓 在東關東嶽廟後堤內

舊志

涿州參將武進士王純臣墓 在城東麒麟莊有誥勅碑三

誥勅碑一 勅守備蔚州地方指揮王純臣竊蔚州地方外臨邊境散濶難守今特命爾以都指揮體純行事在彼守備操練軍馬整飭器械修理城池所屬關務須躬親督視常要堅完分撥官軍嚴謹守把如遇賊寇侵犯即便拘收人畜入城堅壁清野調領官軍及在民快相機戰守勿怠忽誤事其近紫荊關樹木已令荊州官司出給告示禁約居民不許砍伐爾仍差人巡禁敢有犯者拏送蔚州治以重罪發落如州司不聽即行山西北直隸二處巡撫官禁治至於軍情重務悉聽鎮守巡撫等官節制毋得偏執違拗有壞兵備尤須持廉秉公愛恤士卒母事役占科剋及擅令官軍出境種田打圍以故釁端如違罪不輕宥爾其欽承之母忽故勅萬曆三十四年五月初八日

誥勅碑二 勅指揮僉事王純臣近該遼鎮督撫按官題稱議併設將以便責成該部議覆相應今令爾署督指揮管遊擊將軍事專在總兵標下不妨軍中事務兼統領正兵管馬步降夷倭撥夜官軍四千七百七十二員名無事傳宣令訓練士卒遇警聽調分布相機堵勦其逃故軍士聽爾設法勾補充足本營中軍千把總以下悉聽管轄爾仍聽督撫鎮官節制調遣尤須持廉奉法振揚威武以副委任如或貪懦誤事罪不輕貸爾其勉之慎之故勅萬曆四十一年四月十三日

誥勅碑三 勅署都指揮僉事王純臣今命爾充參將分守涿州地方提督涿鹿并興州中屯等四衛官員操練軍馬修理城池撫恤軍士關奸宄挑選精銳官軍常川巡歷蘆溝橋以南挨查涿州并良鄉房山二縣所在軍民編制火甲嚴督坐鋪一有強盜打劫即便黏縱追襲務要擒拏得獲仍按季將已獲未獲賊犯具奏其一應民事不准

### 固安縣志

#### 卷一 地理志

建置

四六

干預仍查照近議良涿之軍俱聽白羊將領統管分班訓練戍守若有老弱逃亡嚴責各該衛所選補足數防秋之時依期赴邊不許阻格勾攝如致軍數短少補發不行親押赴邊及該管官不聽節制者聽將領指實參呈兵部處治凡各衛所一應錢糧軍伍等事仍聽爾管理年終造報理過分數叙論功罪各衛所官員有不受約束者參呈督撫按輕則戒飭重則參問爾受茲委任須持廉奉法盡心職務毋得食覲剋削及私役隱占致坐嗟怨如違罪不輕貸爾其慎之故勅天啟四年二月十六日

壽官趙公墓 在東位村

明縣人侯奉職撰壽官趙公墓碑云趙公諱世科明京都固安縣西北萬春鄉魏村屯人也兄弟三人公居長年十四喪父事寡母曲盡親歡撫兩弱弟極盡孝于同居五十餘年毫無私積及長分財產未見有爭形於色如待人接物隱德尤多又難以言語形容者至若教子訓孫必嚴以方斯時也有子四人有孫十五人曾孫十餘人皆英英美器雖入鬻宮者濟濟也而公之朴誠依然田舍翁矩度噫嘻才名德望冠絕一時立心行已不易素履當時耳而目者口碑亦載道矣由是實行積而名益彰縣公進士胡旌其門曰善人縣公進士李又旌其門曰齒德雙高甚至德播皇都大司徒榮以職曰壽官歷歷褒嘉皆有實據非德本至誠胡動人之如斯耶余與其長孫達如公曾偕手采芹稔知其行狀久矣故據寔以誌豈敢為溢美云大明崇禎七年歲次甲戌三月拾日立

清

太僕寺卿卜兆麟墓

在縣南五里許

康熙殘本陳志補

戶部雲南司主事劉源澄墓

在南房上村東北

舊志誤作無為莊西北

上江巡按劉宗韓墓 在城南南房村舊志

南安知縣李標墓 在小西湖村東舊志

江西道監察御史卜峻超墓 在白村舊志

誥贈光祿大夫于國安墓 在南房村西南有石牌坊一石獅子二石表二石香案五供全

又有墓碑一在祖塋前誥贈碑二分列左右刻滿漢文神道碑一坐西向東臨道為漢白

玉其莊嚴偉壯為境內碑刻第一

按于國安為于襄勤公成龍本生父舊志國安誤為安國又謂安國為于清端公本生

父又引通志列傳云成龍永寧人蓋出為永寧人嗣也云云查清端公字北溟山西永

寧人官河道總督在襄勤公前當時稱大于公襄勤公字振甲遼東盖州即今蓋平縣人清

順治十年公十六歲移居固安縣南房村康熙六年公三十歲出嗣世父阿達哈哈番

諱得水者公居清端公後亦以治河名故有小于公之稱舊志記載訛誤茲據宋榮于

襄勤公年譜補正又神道碑下蛟龍領部血紅瘢相傳為半邊店關帝廟關公箭射痕

### 固安縣志

#### 卷一地理志

建置

四七

跡雖係神話相傳已久不忍割棄姑存其說

兩江總督蔣攸銛墓 在南房上村南有石牌坊一石香案五供全誥贈碑二

按右墓碑上向未刻字至民國初元始由其後裔檢出舊藏先人誥封等分別上石

內閣中書曹江墓 在呂家營村東有墓碑一文見文獻志二十

進士辛克一墓 在白村村東有墓碑二墓門一旗竿二上有雙斗子

湖南岳州府知府文慶祥墓 在祖家場村北有墓碑三文明元見文獻志二十

河南河北鎮總兵王德輝王普字墓 在翟家圈村北有神道碑一

孫家莊孫氏墓 在縣西南孫家莊村南

清楊君贊孫家莊孫氏敬建碑序云蓋孫氏者方城之巨族也其人丁繁盛其行事醇良務農者有矣耕雲鋤雨以勤勞為本業儒者有矣篤志勤修以砥礪為功肯堂肯構箕裘恢恢乎丕振或作或述家聲悠悠乎綿長猗歟休哉果誰氏之裔而有如斯也哉溯厥由來知其祖非他乃孫膺也噫源遠者流必長根深者技彌茂誰謂子孫之福非皆祖宗之德乎是以本支百世不易自蒸嘗萬古如新後世子孫欲勒銘以表祖德也不亦宜乎余暇齋居書室孫氏伯仲齊臨問來由答原故蓋云碑修告竣懇煩賜文以序之余不固辭即當舉所聞見助湖管之陳述因已然之芳踪勸將來之妙境石碣建而孝思奮銘言著而孝感神耘籽耕夫力穡不輟其黍稷可以薦馨香誦讀俊士其功

名可以光祖考世以及世萬世永鑑庶乎耕讀並用者愈衍愈盛益衍益隆也則幸甚詩云孝思不匱永錫爾類是即余之意也夫謹序乾隆十九年歲次甲戌暮春穀旦國學生和貴誠貴邑庠生肇貴志貴同領造建

博野縣教諭張樹基墓 在門鐵營村有誥贈碑一

武進士王德成墓 在門鐵營村有墓碑二 文見文獻志二十

贊皇縣教諭高瑞和墓 在城南渠溝村東

奉天府經歷魏聯芳墓 在城南林城舖

國學生萬三錫墓 在城南萬家莊村東北

韓氏墓 在大崗頭村

韓富撰先塋碑記云溯查吾族始於周韓侯之後歷朝久遠世不可攷至宋元間有人籍山左者我高祖考際明公之始祖也至本朝康熙年間我高祖之季子曾祖考雲章公因譜繁支衆謀生維艱始遷居直隸京師之南固安縣歷再世我祖考始招魂葬高祖考暨曾祖考於縣西南頭之北原從徙居也我曾祖考所出兄弟四人富之祖考蘭翁公居季曩家未豐以耕耨爲計我祖考賦性敦厚素明大義孝親敬兄之外日著佳猶窺時應事兩合天人是以前家道日裕因之推廣其心好善樂施窮苦親鄰多加溫恤每遇凶年即竭力捐粟以備縣賑因受知於縣令何公爲之詳情大憲入奏承皇恩賜以八品耆士銜以光榮鄉里焉我祖考所出大伯考景輿公二伯考和齋公皆無子我

### 固安縣志

#### 卷一地理志

建置

四八

三房敦甫公之所自出也當年甫十餘歲祖考暨伯父父相繼逝世爲我祖考後者惟富一人仰賴我生母氏王與伯母撫育成人承先人之餘烈年將及壯援例授職藉以慰祖父在天之靈期爲宗祖交遊光寵表吾母幽德之光刻石阡地詳述祖德使知韓氏之溫飽有自來矣使後世子孫睹之知祖父之創業佑啟我後人者非容易也孫富阡記咸豐三年歲次癸丑二月穀旦立

劉氏墓 在大辛莊村

劉紹宗重修先塋碑記云嘗觀夫水源木本之義而知人之於祖有不可不遠爲追溯者粵稽劉氏始祖原公原籍山西泗州自前明永樂初年隨駕遷至直隸順天府固安縣城西大新莊村居焉仕至武畧將軍故卜塋於此建立碑銘永爲墓表奈歷年久而風催雨蝕斷碣沈沙越萬歷年間先祖諱齊公景仰前徽重新建立至今年湮代遠字跡難詳爰糾合族公議仍購介石再建新碑將曾祖父之諱次第登之庶幾脈絡分明秩然不紊而今可不忘於昔者後亦不忘於今焉噫自明迄清數百年來而務農者永保恒產業儒者不斷書香何莫非祖功宗德之昭垂有以克昌厥後哉今者奕葉諸孫欲培祖蔭於蕪疆俾孫枝之永茂是以謀承燕翼譜牒兼修字續蚪文貞珉永壽冀流芳於萬古云爾敢竭鄙誠恭疏短引於是乎記大清光緒十三年四月二十一日

民國

拔貢李芳園墓 在外河村

舉人劉樹勛墓 在沙河口

江南道監察御史高潤生墓 在渠溝村東

福建桐山營遊擊李孟春墓 在東洋屯村

湖北鄖陽都司王福昌墓 在東洋屯村

永定河營都司李錫祉墓 在呂家營村東南

河北雄縣涑源知縣董德潤墓 在大杜莊村

河北永清固安知縣王德鄰墓 在南栢村

江西蓮花九江知縣曹樹殷墓 在城西中公由村東北

優貢賈廷琳墓 在城南南趙各莊村西南

按右墓內部建築新巧宛如住室周圍墓頂純用洋灰塗抹徐大總統及周養菴賀培

新等親題匾額并素日流覽專精書畫手書叢稿均隨葬墓內

拔貢馮樹椿墓 在辛務村南

固安縣志

卷一地理志

建置

四九